

MISSINGIUT

Uunga

siunnersuut

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsit

§ 1. Aningaasanik nuussinermi aamma pigisat nalillit kryptot ilaannik nuussinermi paasissutissat ilanngullugit nassiunneqartussat pillugit aamma peqqussummik (EU) 2015/849-mik allannguineq pillugu Europa-Parlamentip aamma Rådetip aalajangersagaanni (EU) 2023/1113, 31. maj 2023-meersumi aalajangersakkat, tak. inatsimmut matumunnga ilanngussaq 1, Kalaallit Nunaannut atuupput.

§ 2. Erhvervsministeri Naalackersuisunut tusarniaareerluni aalajangersakkami aalajangersakkanik atuneq pillugu Kalaallit Nunaannut malittarisassanik aalajangersaassaaq, tak. ilanngussaq 1, aalajangersakkani allannguutit Kalaallit Nunaannut pissutsinut naapertuuttut eqqarsaatigalugit.

§ 3. Aalajangersakkami artikeli 4-miit 8-mut, 10-miit 12-imut, 14-miit 21-mut aamma 26-mik piaaraluni imaluunniit peqqarniitsumik mianersuaalliorluni unioqutitsinermut, tak. ilanngussaq 1, akiligassiilluni pineqaatissiisoqarsinnaavoq. Pissutsini immikkut ittuni annertunerusumik pisoqarfiusuni, Kalaallit Nunaannut pinerluttulerinermik inatsit malillugu akiliisitaanermut allaanerusumik pineqaatissiisoqarsinnaavoq.

Imm. 2. Ingerlatseqatigiiffiit il. il. (inuit inatsisitigut pisinnaatitaasut pisussaatitaasullu), Kalaallit Nunaannut pinerluttulerinermik inatsimmi kapitalit 5-imi malittarisassat malillugit, pinerlunnermut akisussaatinneqarsinnaapput.

§ 4. Inatsit ulloq 30. december 2024 atuutilissaaq.

Imm. 2. Aningaasanik nuussinermi paasissutissat ilanngullugit nassiunnertussat pillugit inatsit nr. 326, 30. marts 2019-meersaq atorunnaarsinneqarpoq.

MISSINGIUT

Inatsisissatut siunnersuummut oqaaseqaatit

Oqaaseqaatit nalinginnaasut

- 1. Aallaqqaasiut**
- 2. Inatsisissatut siunnersuummut tunuliaqutaasut**
- 3. Aningaasanik nuussisarnermut Kalaallit Nunaannut aalajangersakkap 3.-ata naammassineqarnera**
 - 3.1. Inatsisit atuuttut
 - 3.2. Erhvervsministeriemi isumaliutigineqartut aammalu aaqqissuussineq siunnersuutaasq
- 4. Naalagaaffiit peqatigiit nunarsuarmi anguniagaannut kingunissai**
- 5. Naalagaaffeqatigiinnermut kingunissai**
- 6. Aningaasaqarnikkut kingunissai aamma atuutilersitsinerup pisortanut kingunissai**
- 7. Inuussutissarsiortunut il. il., aningaasaqarnikkut aamma allaffissornikkut kingunissai**
- 8. Innuttaasunut allaffissornikkut kingunissai**
- 9. Silap pissusianut kingunissai**
- 10. Avatangiisinut aamma pinngortitamut kingunissai**
- 11. EU-mi inatsiseqarnermut tunngasut**
- 12. Oqartussa qarfiit aamma suliniaqatigiiffiit il. il. tusarniaavigineqartut**
- 13. Immersugaq eqikkaaffiusoq**

MISSINGIUT

1. Aallaqqaasiut

Aningaasanik nuussinermi, aammalu pigisat nalillit kryptot ilaannik nuussinerni paasissutissat ilanngullugit nassiunneqartussat pillugit Europa-Parlamentip aamma Rådetip aalajangersagaanni (EU) 2023/1113, 31. maj 2023-meersumi (aningaasanik nuussisarnermut aalajangersakkat 3.-at) aalajangersakkanut assingusunik aalajangersakkanik Kalaallit Nunaannut piviusunngortitsinissaq, inatsisissatut siunnersuummi siunertaavoq. Peqqussut inatsimmut ilanngussatut naqiterneqarumaarpoq.

Pinerlunnikkut aningaasarsianik malunnarunnaarsaanissamut imaluunniit peqqarniisaarnianik aningaasalersuinermit, aningaasalersuinermit aaqqissuussamik atornerluinissamut pitsaaliuinermit iliuusissat pillugit Europa-Parlamentip aamma Rådetip peqqussutaat (EU) 2015/849, 20. maj 2015-meersoq ilaatillugu aningaasanik nuussisarnermut aalajangersakkat 3.-at, tassaapput pinerlunnikkut aningaasarsianik malunnarunnaarsaanissamut imaluunniit peqqarniisaarnianik aningaasalersuinermit pitsaaliuinermit aammalu akiuiniarnermit EU-mi eqqartuussisarnermi sinaakkutit. Europa-Parlamentip aamma Rådetip peqqussutaat (EU) 2015/849, 20. maj 2015-meersoq, Kunngip peqqussutaatigut Kalaallit Nunaannut atuutilersinneqareersumi pinerlunnikkut aningaasarsianik malunnarunnaarsaasarneq pillugu inatsimmi ilanngunneqarnikuuvoq. Maleruagassatigut, pinerlunnianit aningaasalersuinermit aaqqissuussisarnermit atornerluiniarnermit pitsanngorsagaasumik maleruagassiuiinissaq aamma suliniuteqarnissaq kissaatigineqarpoq.

Pinerlunnikkut aningaasarsianik malunnarunnaarsaanermit, peqqarniisaarnianik aningaasalersuinermit aamma sakkutuut sakkuinik aserortererujussuassutaasartunik, assigisaannillu siaruarterinermit akiuiniarnermit Kalaallit Nunaat Financial Action Task Force, FATF-imut ilaavoq, tassunga ilagitillugu, aningaasanik nuussisarnermit aalajangersakkat 3.-annik, pinerlunnikkut aningaasarsianik malunnarunnaarsaanermit aamma peqqarniisaarnianik aningaasalersuinermit pinngitsoortitsinissaq siunertaralugu FATF-ip innersuussutaanik nunarsuaq tamakkerlugu piviusunngortitsinissaanik qulakkeerinissamut pisussaaffeqarluni.

Aningaasanik nuussisarnermit aalajangersakkat 3.-at, tak. ilanngussaq 1, Kalaallit Nunaanni suliffeqarfiit aningaasarsiornermit ingerlataqartut, nunat suleqatigiit avataanniittunut aningaasanik nuussassanik, annertunerusumik piunasaqaatitaqanngitsumik Danmarkimi pissutsit assigalugit aningaasanik nuussisinnaassapput aamma tiguisinnaallutik. Tamanna taamatuttaaq, assersuutigalugu aningaaseriviit naalagaaffeqatigiinnerup iluani nuussinernik ingerlaannaq akuersisinnaanerannik periarfissiissaaq, taamaalilluni, ingerlaannaq nuussinermik taaneqartartumik, kontomiit kontomut ingerlaannartumik, ulloq unnuarlu, ukioq kaajallallugu nuussisoqarsinnaalluni.

MISSINGIUT

2. Inatsisissatut siunnersuummut tunuliaqutaasoq

Kalaallit Nunaannut aningaasanik nuussisarnermut aalajangersakkat 3.-anni aalajangersakkanut assingusunik, aalajangersakkanik piviusunngortitsinissaq inatsisissatut siunnersuutip imarivaa. Kalaallit Nunaallu EU-mut ilaasortaangimmat, tamanna inatsisitigut pisariaqarpoq. Aningaasanik nuussisarnermut aalajangersakkat 3.-at malillugu – Kalaallit Nunaanni pissutsinut tulluarsakkanik – Danmarkimi atuuttunut maleruagassanut assingusunik, Kalaallit Nunaannut malittarisassanik atuuttoqarnissaa inatsisissatut siunnersuutikkut qulakkeerneqassaaq.

Aningaasanik nuussisarnermut aalajangersakkat 3.-nik, pigisanik nalilinnik virtuelinik nuussinernik paasinaasinnaanerup piuminarnerulersinnissaa siunertaralugu, pigisanut nalilinnut kryptonut kiffartuussissutinik tuniniaasut, peqqussummut ilaatinneqalerput. Allanguutit tamakkua malitsigisaannik, pigisanik nalilinnik virtuelinik nuussinermi, pigisanut nalilinnut kryptonut kiffartuussissutinik tuniniaasut, nuussinernik tamakkuninnga pisisoq aamma pisinermik tigusisoq pillugit paasissutissat ilanngullugit nassiuttassavaat.

Kalaallit Nunaanni aningaaseriveqarnermik susassaqarfimmi, pinerlunnikkut aningaasarsianik malunnarunnaarsaanermut aamma peqqarniisaarnianik aningaasalersuinermit akiuinarluni suliniutinik sukaterinissaq inatsisissatut siunnersuummik siunertaavoq.

Inuussutissarsiornermik suliassa qarfiup ilaa Kalaallit Nunaata tigoreepaa. Kalaallit Nunaanni aningaasarsiornermik ingerlatsinerup aqunneqarnera suli tiguneqanngilaq, taamaalilluni danskit oqartussa qarfiisa ataanni danskit suli akisussaaffigalugu.

Aningaaseriveqarnermut tunngasuni Danmarkimi Kalaallit Nunaannilu inatsisit amerlanersaanni nunani tamalaani malittarisassat, ilanngullugit minnerunngitsumik EU-mi inatsisitigut pituttuisumik akuersissutit, tunngavigineqarput. Taamaalilluni ukiuni kingulliunerusuni aningaasaqarnermik suliassa qarfimmi maleruagassiuineq EU-p oqartussaaffigisaanik ingerlanneqartarnera nalinginnaalieriartorpoq. Taamatut maleruagassiorneq, ilaatigut peqqusutitigut imaluunniit malittarisassiatigut aamma eqqartuussivinni allagaatitigut, piviusunngortitsineq eqqarsaatigalugu maleruagassatut teknikkikkut pitsaassusiliinernik kiisalu piviusunngortitsinissamik teknikkikkut pitsaassusiliinertigut ingerlanneqartarpoq. Aningaaseriveqarnikkut EU-mi inatsisit amerlanersaat nunat ilaasortaasut akornanni malittarisassat pituttuisut atorlugit suliarineqartarput. Taamaanera naalagaaffiit ilaasortaasut tamarmiusut akornanni aningaaseriveqarnikkut patajaannerulernerinut tapertaasinnaammat, EU-mi aningaaseriveqarnikkut aaqqissuussani assigiinnik maleruagassa qarnissaaq isumannaarneqarpoq.

MISSINGIUT

Europæiske Unionimi Isumaqtigiisummi (TEUF) artikeli 288 malillugu aalajangersagaq nalinginnaasumik atuuttuuvoq. Pineqartuni ataasiakkaani tamani pituttuisuuvoq, naalagaaffinnullu ilaasortaasunut tamanut atuulluni. Kalaallit Nunaat EU-mut ilaasortaangilaq, aalajangersakkallu aningaasanik nuussisarnermut aalajangersakkat 3.-anni aalajangersakkat assigisaat Kalaallit Nunaannut atuutilersinneqassappata, tamanna inatsisitigut pisussaavoq.

Taamaalilluni danskit inatsisaata imarisai aalajangersakkap imarisaata assigissavai, ilusiligaanermigulli danskit inatsisissatut siunnersuutaat qangatoortut assigissallugit. Inatsisissatut siunnersuut taamaattoq assersuutigalugu inatsisissatut siunnersuummi aalajangersakkanut ataasiakkaanut, tassalu peqqussummi immikkoortortat ataasiakkaat tamarmik assigisaannut, oqaaseqaatinik imaqassaaq, naak peqqussut oqaaseqaatinik nalinginnaasunik immikkulluunniit ittunik imaqqangikkaluartoq, taamaallaalli aallaqqaasiutaasunik oqaasertaqarluni.

Aalajangersakkat inatsisitut oqaasertaqartilergit, taakkununga atasunik oqaaseqaatalinnik il. il. allaqqiineramik maanna suleriaaseq, oqartussanut piffissamik annertuumik atuinartuuvoq.

Taamaattumik aningaasanik nuussisarnermut aalajangersakkat 3.-nik Kalaallit Nunaannut sukkaasumik piviusunngortinnissaata qulakkeernissaanut, taamaalillunilu aningaaseriveqarnermik suliaasaqarfimmi naalagaaffeqatigiinnerup iluani assigiisaartumik maleruagassaqartilernissaanut tamaviaaruteqarnerit maanna suleriaasiusumit ajornakusoortinneqarput. Tamanna imatut kinguneqarsinnaavoq, Kalaallit Nunaanni inatsisit EU-mi pitsaassusiliussanut atuuttunut malinnaajunnaartut, taamaanneratalu aningaasanik nuussinerit pineqartillugit, Kalaallit Nunaat nunatut pingajuusutut isigineqalerluni.

Unamminiagassat tamakkua pinaveersaartinniarlugit inatsisissatut siunnersuutitigut siunnersuutigineqarpoq, aalajangersagaq naammassineqassasoq inatsimmut ilanngussatut naqiterneqarluni.

Taamaalilluni inatsisissatut siunnersuut manna Kalaallit Nunaannut, danskit inatsisissaannut siunnersuummik imaqarpoq, aningaasanik nuussisarnermut aalajangersakkat 3.-ni aalajangersakkat Kalaallit Nunaannut atuuttussanngorlugit. Aalajangersakkami aalajangersakkat qallunaatut inatsimmi oqaasertaliussatut allaqqinneqassanngillat, kisianni danskit inatsisaannut ilanngussatut immiunneqassallutik. Sukumiinerusumik, aningaasanik nuussisarnermut aalajangersakkat 3.-ata imarisaa pillugu paasissutissanik pisariaqartitsisoqartillugu, immikkoortumut 3.2-mut innersuussisoqarpoq.

Akuusunut, tassunga ilagitillugit Kalaallit Nunaanni aningaaseriviit, aningaasanik nuussinermut peqqussutit pingajuannut naleqqiullugu EU-p sinnerani malittarisassat assigisaasa atuutilernissaat

MISSINGIUT

inatsisissatut siunnersuummik matuminnga isumannaarneqarpoq. Aningaasanik nuussinermut atatillugu Kalaallit Nunaata nunatut pingajuusutut isigineqannginnissaa tamatuma kingunerissavaa.

Inatsimmut ilusiliussamik toqqarneqartumik, matumani Kalaallit Nunaannut aningaasanik nuussinermut inatsimmi siunnersuutigineqartumi malittarisassat, EU-mi aalajangersakkamut, ilaatigut EU-mi eqqartuussivimmit nassuiarneqarumaartumut, tak. ilanngussaq 1, attuumassuteqartoq erseqqissarneqarpoq.

Aalajangersakkami malittarisassat il. il. atornissaat pillugu Kalaallit Nunaannut malittarisassanik aalajangersaanissamut erhvervsministeri piginnaatitaavoq. Tamanna inatsisitut tunngavigalugu Kalaallit Nunaanni pissutsit apeqqutaatillugit naleqqussaanerit il. il. suliarineqarsinnaapput.

Kalaallit Nunaannut tunngasunik ministeriap sulianik suliarinnittarnerat pillugu Statsministeriap ilitsersuutaani nr. 9001, 2. januar 2023-imeersumi malittarisassat naapertorlugit inatsisiliornermik suliamut Kalaallit Nunaat akuutinneqarpoq.

3. Aningaasanik nuussisarnermut Kalaallit Nunaannut aalajangersakkap 3.-ata naammassineqarnera

3.1. Inatsisit atuuttut

Aningaasanik nuussinermi paasissutissat ilanngullugit nassiuttagassat pillugit Kalaallit Nunaannut inatsit atuuttoq, nuussisartut tiguisartut imaluunniit aningaasanik nuussinermi peqataasartut, ilaatigut akiliisoq aamma akiliutinik tiguisoq pillugit paasissutissanik ilanngussilluni nassiussisarnissaq pillugu, Kalaallit Nunaanni akiliinernut kiffartuussisartunut piumasaqaatinik imaqarpoq.

Akiliisoq aamma akiliutinik tiguisoq pillugit paasissutissanik ilanngussilluni nassiussisarnissaq pillugu Inatsisit atuuttut ullumikkut piumasaqaateqarfiupput. Akiliisup aamma akiliutinik tiguisup akiliuteqartarnermut kiffartuussisui kiisalu akiliuteqartarnermut akunnermiliuttut ingerlatitseqqiisartut, paasissutissat piumasaqaataasut tamarmik tassunga ilagitillugit nassiunneqartarnissaat aammalu naammattumik uppersaasigaanissaat qulakkiissavaat.

Aammattaaq, akiliinernik kiffartuussisut, niueqatigiinnermut atatillugu attavigiittoqalersinnagu, imaluunniit periarfissaasutigut nuussisoqartillugu, inuk pillugu paasissutissanik passussinermi piumasaqaatit siunertaasutut, pisisartumut paasissutissat tunniuttassagaat, piumasaqaataavoq. Paasissutissat taamaattut, assersuutigalugu tassaasinnaapput, nalunaarsuinnermut akisussaasup kinaassusia. Tamatuma saniatigut akiliisitsinnermut kiffartuussisuusup, pinngitsoorani imaluunniit nammineq piumassutsimik apeqqutinik akinerussanersoq kiisalu takunnissinnaatitaanermut periarfissaqarnerisq imaluunniit tamanna ajornarnerisq, ilisimatitsissutigissavaa.

MISSINGIUT

3.2. Erhvervsministeriami isumaliutigineqartut aammalu aaqqissuussineq siunnersuutaasoq

Inatsisissatut siunnersuut Kalaallit Nunaannut danskit inatsisissaannut siunnersuummik imaqarpoq, taamaalilluni aningaasanik nuussisarnermut aalajangersakkat 3.-anni aalajangersakkat Kalaallit Nunaannut atuutilissallutik. Aalajangersakkami aalajangersakkat, danskit inatsisaattut oqaasertalersuinertut allaqqinneqassanngillat, kisianni naalagaaffiup inatsisaanut ilanngussatut ikkunneqassallutik.

Aningaasanik nuussisarnermut aalajangersakkat 3.-nnik, Kalaallit Nunaanni aningaaseriveqarnikkut suliffeqarfiit, aningaasanik nuussinermut nunat peqatigiit avataanniittunut nunanut piunasaqaataasunik, annertunerusumik piunasaqaatitaqanngitsumik, Danmarkimi pissutsit assigalugit, aningaasanik nuussisinnaassapput tigusisinnaassallutillu. Tamanna aammattaq assersuutigalugu naalagaaffeqatigiinnerup iluani, ingerlaannartumik nuussinernik akuersisinnaanerannik, aningaaserivinnut periarfissiissaaq, taamaalilluni ingerlaannartumik nuussinertut taaneqartartumik ulloq unnuarlu ukiup ullui tamaasa, kontomiit kontomut ingerlaannaq nuussinermik naammassinnissinnaaneq periarfissaalerluni.

Inatsisissatut siunnersuummik matuminnga, tassunga ilagitillugit Kalaallit Nunaanni aningaaseriveqarfiit, Danmarkimi, aamma taamaalilluni EU-mi aningaasanik nuussisarnermut aalajangersakkat 3.-anut naleqqiullugu malittarisassat assigiissagaasut atuunnissaat, peqataasunut qulakkeerneqassaaq. Aningaasanik nuussinermut atatillugu Kalaallit Nunaata, nunatut pingajuusutut isigineqannginnissaa tamatuma kingunerissavaa. Taamaalilluni ullumikkut Kalaallit Nunaata atorsinnaavai, danskit aningaasanik nuussassanik akuersissuteqartarnermut aaqqissuussai nalinginnaasut, Kalaallit Nunaanni aningaaseriviit ullumikkut atugarisaat.

Taamatuttaaq inatsisissatut siunnersuummi pigisanut nalilinnut virtuelinut kiffartuussinernik tuniniaasut, pigisanik nalilinnik virtuelinik nuussinernik paasiniaasinnaanissap piuninarsarnissaa siunertaralugu, aalajangersakkamut ilaatinneqarput, tak. ilanngusaaq 1. Tamakkua allannguutit malitsigisaannik, pigisanut nalilinnut virtuelinut kiffartuussinernik tuniniaasut, pigisanik nalilinnik kryptonik nuussinerni, nuussinernik tamakkuninnga pisisoq aamma pisinermik tigusisoq pillugit paasissutissat ilanngullugit nassiuttassavaat.

Taamaalilluni inatsisissatut siunnersuutitigut, Kalaallit Nunaanni aningaaseriveqarnermik susassa qarfimmi, pinerlunnikkut aningaasarsianik malunnarunnaarsaasarnermut aamma

MISSINGIUT

peqqarniisaarnianik aningaasalersuisarnermut akiuniarnermut suliniuteqarneq pitsanngorsarneqassaaq.

Aningaasanik nuussisarnermut aalajangersakkat 3.-at, inatsimmut ilanngussatut naqiterneqassasoq siunnersuutigineqarpoq. Peqqussut allaqqaasiummik, aamma kapitalinut 10-nut agguataagaasunut, ilanngutassianik 40-nik imaqarpoq.

Aalajangersakkami aalajangersakkat, ataani immikkoortuaqqani, aalajangersakkami aalajangersakkanik kapitalinut immikkoortunullu agguataarinermik aallaaveqartuni, nassuiarneqarput.

Aningaasanik nuussisarnermut aalajangersakkat 3.-anni aalajangersakkat, ulloq 30. december 2024-imiit atuutilissapput. Matuminnga siunnersuutitigut siunnersuutigineqarpoq, piffissami tassani malittarisassat aamma Kalaallit Nunaannut atuutilernissaat.

3.2.2.1. Kapitali I – Pineqartoq, atuuffia aamma isumasiuutit

(Artikelit 1-3)

Aalajangersakkami kapitali 1, aningaasanik nuussinermi, imaluunniit pigisanik nalilinnik virtuelinik nuussinermi, akuutinneqartoq, EU-mut attuumassuteqarfigisaasoq apeqqutaatillugu, pilersitaareersimappat imaluunniit malittarisassiuneq eqqarsaatigalugu angerlarsimaffeqarpat, akiliinermik kiffartuussissutinik tuniniaasut ilaat imaluunniit pigisanut nalilinnut virtuelinut kiffartuussissutinik tuniniaasoq, minnerpaamik ataaseq, aningaasanut naligitinneqartut apeqqutaatinnagit aningaasanik nuussinermi ilanngullugit nassiunneqartussat, akiliisoq aamma akiliutinik tigusisoq pillugit paasissutissat pillugit, aamma, pigisanik nalilinnik virtuelinik nuussinermi ilanngullugit nassiunneqartussat, pisisussat aamma pisiffigineqartussat pillugit paasissutissat pillugit, malittarisassanik imaqarpoq.

Akiliinermut kiffartuussissutinik tuniniaasut, tassaapput aningaasanik nuussinernik ilusilimmik kiffartuussinernik tuniniaasut inuit imaluunniit inuit inatsisitigut pisinnaatitaasut pisussaataasullu. Akiliinermut akunnermiliunnermik tuniniaasoq, tassaavoq akiliisup imaluunniit akiliiffigitittup akiliinermik kiffartuussissutinik tuniniaasorinngisaa, aammalu akiliisup imaluunniit akiliutinik tigusisup akiliinermik kiffartuussissutinik tuniniaasua sinnerlugu, imaluunniit akiliinermut akunnermiliuttutut tuniniaasoq alla sinnerlugu, aningaasanik nuussanik tigusisartoq aamma ingerlatitseqqiisartoq, akiliinermik kiffartuussissutinik tuniniaasoq. Suliffeqarfiit, aningaasanik nuussinernik ingerlatsinermik tuniniaasut, akuersissuteqarneq aamma nakkutilliineq pillugit piumasaaqateqarfigineqarput.

MISSINGIUT

Pigisanut nalilinnut virtuelinut kiffartuussissutinik tuniniaasooq, imaluunniit pigisanut nalilinnut virtuelinut akunnermuliuttutut kiffartuussissutinik tuniniaasooq, taassuma, inuussutissarsiorneq tunngavigalugu, inuussutissarsiutaa imaluunniit niuerniutaa, pisisartunut, tassunga ilagitillugit pigisanut nalilinnut virtuelinut kiffartuussissutinik tuniniaasut allat, pigisanut nalilinnut virtuelinut kiffartuussissutinik arlalinnilluunniit tunniussaqaartarnermik ilaqartoq, tassaavoq inatsisitigut akisussaasooq imaluunniit suliffeqarfik alla. Pigisat nalillit kryptot suulluunniit pillugit pigisanut nalilinnut virtuelinut kiffartuussinerit, ataani allattorsimasunik kiffartuussinerik ilaqarput:

- a. Pisisartut sinnerlugit pigisanik nalilinnik virtuelinik toqqorsimatitsinermik aamma aqutsinermik tunniussaqaarsinnaaneq/pisiassaateqarneq.
- b. Pigisanut nalilinnut kryptonut niuffaffiusumik aqutsisoqarfimmik ingerlatsineq.
- c. Pigisat nalillit kryptot aamma aningaasat akornanni aggartitsisinnaaneq.
- d. Pigisat nalillit kryptot aamma pigisat nalillit kryptot allat akornanni aggartitsisinnaaneq.
- e. Pisisartut sinnerlugit pigisat nalillit kryptot pillugit pisinernik suliaqarneq.
- f. Pigisanik nalilinnik virtuelinik inissiineq.
- g. Pisisartut sinnerlugit pigisat nalillit kryptot pillugit pisinernik tigusineq aamma ingerlatitseqqiineq.
- h. Pigisat nalillit kryptot pillugit siunnersuineq.
- i. Pigisanut nalilinnut kryptonut atatillugu pigilikkani isumaginnineq.
- j. Pisisartut sinnerlugit pigisanik nalilinnik kryptonik nuussinerit pillugit kiffartuussinerik tunniussaqaarsinnaaneq.

Pigisanut nalilinnut kryptonut kiffartuussissutit qulaani allassimasut tamakkiisuupput.

Aalajangersakkap aammattaaq aalajangersarpai aningaasanik nuussinermi imaluunniit pigisanik nalilinnik virtuelinik nuussinermi akuusut, akiliisarnermut kiffartuussissutinik tuniniaasut imaluunniit pigisanut nalilinnut virtuelinut kiffartuussissutinik tuniniaasut, ilaat minnerpaamik ataaseq EU-mut attuumassuteqarfigisaasooq apeqqutaatillugu, pilersitaareersimappat imaluunniit malittarisassiineq eqqarsaatigalugu angerlarsimaffeqarpat, killilersuiniutitut sillimmartaarutinik piviusunngortitsinissaq qulakkeerumallugu, suliffeqarfiup iluani politikkit, periaatsit aamma nakkutilliinerit pillugit malittarisassat.

3.2.2.2. – Kapitali II – Akiliisup akiliinermut kiffartuussissutinik tuniniaasunut pisussaaffiit

Peqqussummi kapitali 2, akiliisup aamma akiliutinik tiguisup akiliinermut kiffartuussissutinik tuniniaasunut aamma akiliuteqartarnermut akunnermiliuttutut ingerlatitseqqisartunut pisussaaffinnik imaqarpoq.

3.2.2.2.1. Immikkoortortaq I – Akiliisup akiliinermut kiffartuussissutinik tuniniaasuanut pisussaaffiit

(Artikelit 4-6)

MISSINGIUT

Akiliisup akiliinermut kiffartuussissutininik tuniniaasuata, aningaasanik nuussinernup, akiliisoq aamma akiliutinik tiguisoq pillugu tamakkiisumik paasissutissanik ilaqartinneqarnissaa qulakkiissavaa. Akiliisoq pillugu tamakkiisumik paasissutissat, atermik, adressemik aamma akiliinermut kontonormumik ilaqarput. Taamaattoq najugaq pillugu paasissutissat, paasissutissanik allanik, tassunga ilagitillugit akiliisup pisortatigoortumik allagaatinik normuanik, pisisartutut kinaassutsimut normumik imaluunniit ullormik inunngorfimmik taarserneqarsinnaapput. Aammattaaq akiliisup inatsisitigut kinaassutsimut ilisarnaataa (legal entity identifier (LEI)) imaluunniit pisortatigoortumik kinaassusaa sunaluunniit paasissutissiissutigineqassaaq, tassunga ilagitillugu, akiliinermi nalunaaruteqarfissatut allattuiffissiami attuumassutilimmi allaffissaq pisariaqartoq ersippat, akiliisup akiliinermut kiffartuussissutininik tuniniaasuminut tamanna paasissutissiissutigisimagaa.

Akiliutinik tiguisoq pillugu tamakkiisumik paasissutissat, atermik aamma kontonormumik akiliiffissamik kiisalu akiliisup inatsisitigut kinaassutsimut ilisarnaataanik atuuttumik (legal entity identifier (LEI)) imaluunniit kinaassusaanik pisortatigoortumik sumilluunniit assingusumik pissarsiarineqarsinnaasumik ilaqarput.

Nuussinernut, akiliutinut kontomiit imaluunniit akiliutinut kontomut pinngitsunut, nuussineq akiliutinut kontonormumeerneranut taarsiullugu, nuussinernup akiliisumut utimut paasiniarneqarsinnaanissaa periarfissaatillugu, nuussinermut kinaassutsimik uppernarsaammik paatsuugassaangitsunik ilaqartinneqarnissaa, akiliisup akiliutinik kiffartuussissutininik tuniniaasuata qulakkiissavaa. Akiliisup akiliinermut kiffartuussissutininik tuniniaasua, aningaasat nuunneqartinnagit, arlaannaannulluunniit attuumassuteqanngitsoq tunngavigalugu, paasissutissat nakkutigissallugit pisussaavoq.

Akiliutinik kiffartuussissutininik tuniniaasut tamarmik EU-mi pilersitaareersimappata, akiliisoq akiliutinillu tiguisusaaq pillugit paasissutissanut akiliutinut kontonormut, imaluunniit nuussinermut kinaassutsimik paasissutissaq paatsuugassaangitsoq, kisimiitillugit ilaatinneqarsinnaapput. Akiliutinik tiguisusaaq akiliutinik kiffartuussissutininik tuniniaasuata paasissutissanik tamakkiisunik pissarsinissaq kissaatigippagu, akiliisup akiliutinik kiffartuussissutininik tuniniaasuata imaluunniit akiliuteqartarnermut akunnermiliuttutut ingerlatitseqqisartup, ullut suliffiusut pingasut qaangiutsinnagit paasissutissat taakkua atugassanngortissavai.

Akiliutinik tiguisup akiliutinik kiffartuussissutininik tuniniaasua EU-p avataani pilersitaasimappat, 1000 EUR ataallugu aningaasanik nuussineq, minnerpaamik, akiliisup aamma akiliutinik tiguisup aqqa, akiliinermut kontonormua imaluunniit nuussinermi paatsuugassaangitsumik kinaassutsimut uppernarsaataa pillugit paasissutissanik imaqaassaaq.

MISSINGIUT

3.2.2.2.2. Immikkoortortaq II - akiliutininik tiguisisup akiliutininik kiffartuussissutininik tuniniaasuanut pisussaaffiit (Artikelit 7-9)

Artikelit 7 malillugu, akiliutininik tiguisisup akiliutininik kiffartuussissutininik tuniniaasua, peqqussummi piumasagaataasutut aningaasanik nuussineq, akiliisoq aamma akiliutininik tiguisisup pillugu paasissutissanik ilaqartinneqarnissaanik isumannaarissalluni pisussaavoq. Taamaalilluni akiliutininik tiguisisup akiliutininik kiffartuussissutininik tuniniaasua, akiliutininik tiguisisup akiliutininik kiffartuussissutininik tuniniaasuata nuussinermi paasissutissat ilaatinneqartussat pillugit piumasagaatit naammassisinnaaniassammagit, periaatsinik sunniuteqarluartunik atuutilersitsissalluni pisussaavoq.

Nuussinertut ataasiartutut imaluunniit arlaleriakkatut ataatsimoortoortopasissutut ingerlataanersut apeqqutaatinnagu, nuussineq 1.000 EUR-nit annertunerugaangat, akiliutininik tiguisisup akiliutininik kiffartuussissutininik tuniniaasui, aningaasanik nuussinermi, akiliutininik tiguisisup akiliinermut kontonut akilerneqartinninnerani imaluunniit aningaasat akiliiffigineqartumut atorneqarsinnaanngortinninnerini, ilaatigut akiliutininik tiguisisup akiliutininik kiffartuussissutininik tuniniaasua paasissutissanik nakkutiginninnissamat pisussaavoq.

Akiliutininik tiguisisup akiliutininik kiffartuussissutininik tuniniaasuata, aningaasanik nuussineq amigartunik imaluunniit tamakkiisuunngitsunik paasissutissanik ilaqartinneqartoq paasiguniuk, akiliutininik tiguisisup akiliinermut nalerisaasuata, artikelit 8, imm. 1 malillugu, nuussinierigaluaq itigartissavaa imaluunniit akiliisoq aamma akiliutininik tiguisisup pillugit paasissutissanik piumasagaataasunik piunnaasaaq.

Taamatut uteqqiasumik pisoqartartillugu, akiliutininik tiguisisup akiliutininik kiffartuussissutininik tuniniaasuata, artikelit 8, imm. 2 malillugu, mianersoqqusinernik imaluunniit piffissarititamik aalajangersaanermik ilaqarsinnaasunik iliuusissanik aalajangersaassaaq. Tamatuma kingorna itigartissanarluni imaluunniit niueqatigiinnermik attaveqatigiinneq ingerlaannassanersoq imaluunniit unitsinneqassanersoq aalajangiissalluni.

3.2.2.2.3. Afdeling III - Akiliuteqartarnermut akunnermiliuttutut ingerlatitseqqiisartunut pisussaaffiit (Artikelit 10-13)

Akiliuteqartarnermut akunnermiliuttutut ingerlatitseqqiisartoq, tassaavoq, akiliisumut imaluunniit akiliiffigineqartumut akiliinermut kiffartuussissutininik tuniniaasuunngitsoq, akiliinermut kiffartuussissutininik tuniniaasooq. Akiliuteqartarnermut akunnermiliuttutut ingerlatitseqqiisartoq, akiliisup aamma akiliutininik tiguisisup akiliinermut kiffartuussissutininik tuniniaasui sinnerlugit imaluunniit, akiliuteqartarnermut akunnermiliuttutut ingerlatitseqqiisartoq alla sinnerlugu, aningaasanik nuussinermik tiguisarpoq aamma ingerlatitseqqiisararluni. Akiliuteqartarnermut

MISSINGIUT

akunnermiliuttutut ingerlatitseqqiisartuq, assersuutigalugu tassaasinnaavoq aningaaserivik suliamik ingerlatsisoq (korrespondentbank).

Akiliuteqartarnermut akunnermiliuttutut ingerlatitseqqiisartup, akiliisoq aamma akiliutinik tiguisoq pillugit paasissutissat tigusat tamaasa toqussavai. Akiliuteqartarnermut akunnermiliuttutut ingerlatitseqqiisartuq, akiliisoq aamma akiliutinik tiguisoq pillugit paasissutissanik pisariaqartunik ilanngussisoqarsimanersoq paasiniarlugu, tamatumunnga periaatsinik sunniuteqarluartunik atuutilersitsissaaq.

Akiliuteqartarnermut akunnermiliuttutut ingerlatitseqqiisartup, aningaasanik nuussineq paasissutissanik amigartunik imaluunniit tamakkiisuunngitsunik ilaqartinneqartoq paasiguniuk, akiliuteqartarnermut akunnermiliuttutut ingerlatitseqqiisartup aarlerinaatinik aallaaveqartumik tunngaveqarluni nuussiniarneq itigartissavaa, imaluunniit akiliisoq aamma akiliutinik tiguisoq pillugit paasissutissat piumasaqaataasut piumassavai.

Taamatut uteqqiasumik pisoqartartillugu, akiliuteqartarnermut akunnermiliuttutut ingerlatitseqqiisartup, mianersoqqusinernik imaluunniit piffissarititamik aalajangersaanermik ilaqarsinnaasunik iliuusissanik aalajangersaassaaq. Tamatuma kingorna itigartitsissalluni imaluunniit niueqatigiilluni attaveqaqatigiinneq ingerlaannassanersoq imaluunniit unitsinneqassanersoq aalajangiissalluni.

3.2.3. – Kapitali III – pigisanik nalilinnik virtuelinik kiffartuussissutinik tuniniaasunut pisussaaffiit (Artikeli 14)

Pisisussap pigisanut nalilinnut virtuelinut kiffartuussissutinik tuniniaasua, pigisanik nalilinnik virtuelinik nuussinermi pisisussaq pillugu paasissutissat ilanngullugit nassiunnissaannik qulakkeerissalluni peqquneqarpoq. Paasissutissat, pisisussap aqqanik, pisisussap distributed ledger adresseanik aamma pisisussap pigisanut nalilinnut kryptonut kontonormuanik, taamaattumik kontoqarpat. Tamatuma saniatigut pisisussap adressea, pisisussap inuttut dokument normua imaluunniit, pisisussaq dokument normoqanngippat, pisisussap inuuia aamma inunngorfiata sumiiffia, ilanngullugit nassiunneqassapput. Aammattaaq paasissutissat, pisisussap inatsisitigut kinaassutsimut ilisarnaataanik atuuttumik, imaluunniit tamatuminnga amigaateqartoqartillugu, pisisussap pisortatigoortumik kinaassusaanik sumilluunniit assingusumik pissarsiarineqarsinnaasumik, aammalu pisisussap pigisanut nalilinnut virtuelinut kiffartuussissutinik tuniniaasuminut ilisimatitsissuteqarsimaneranik, imaqassapput.

Attaveqaqatigiiffimmi assigiissaaviusumik, distributed ledger-teknologimik (DLT), imaluunniit atortorissaarummik assingusumik atuisumi, netværkimi nalunaarsorneqanngitsuni, pigisanik nalilinnik virtuelinik, aammalu pigisanut nalilinnut kryptonut kontokkut suliaanngitsuni nuussinerni,

MISSINGIUT

pisissusap pigisanut nalilinnut virtuelinut kiffartuussissutinik tuniniaasua, nuussinermut kinaassutsimut ilisarnaat paatsuugassaangitsoq ilanngullugu nassiutissavaa.

Pisissusap pigisanut nalilinnut virtuelinut kiffartuussissutinik tuniniaasua, pigisanik nalilinnik virtuelinik nuussinermi pisiffigineqartussaq pillugu paasissutissat ilanngullugit nassiunnissaannik qulakkeerissalluni aammattaaq peqquneqarpoq. Paasissutissat, pisiffigineqartussap aqqanik, pisiffigineqartussap qarasaasiakkut pissarsiarineqarsinnaaffianik adressedanik, imaluunniit pisiffigineqartussap pigisanut nalilinnut kryptonut kontonormuanik, pisiffigineqartussap kinaassutsimut ilisarnaataanik atuuttumik, imaluunniit tamatuminnga amigaaqartoqartillugu, pisiffigineqartussap pisortatigoortumik kinaassusaanik sumilluunniit assingusumik pissarsiarineqarsinnaasumik allamik imaqaassapput.

Pisissusap aamma pisiffigineqartussaq pillugit qulaani allasimasut paasissutissat pigisanik nalilinnik virtuelinik pigisanik nalilinnik kryptonik nuussinermut sioqqutsisumik, ataatsikkoortillugit imaluunniit sanileriissillugit, nassiunnissaannik, aammalu nassiussineq, inuit pillugit paasissutissanik suliarinninermut atatillugu inuit illersorneqarnissaat pillugu aamma paasissutissanik taamaattunik killeqanngitsumik avitseqatigiittarneq pillugu aammalu peqqussummik 95/46/EF-imik (qarasaasiakkut paasissutissanik illersuineq pillugu aalajangersagaq nalinginnaasooq) atorunnaarsitsineq pillugu Europa-Parlamentip aamma Rådetip aalajangersagaa (EU) 2016/679, 27. april 2016-imeersoq naapertorlugu, isumannaatsumik ingerlateqqullugu, pisissusap pigisanut nalilinnut virtuelinut kiffartuussissutinik tuniniaasua peqquneqarpoq.

Adressedanumut nammineq host-ikkamut pigisanik nalilinnik virtuelinik nuussinerni, pisissusap pigisanut nalilinnut kryptonut kiffartuussinernik tuniniaasua, pisissusap aamma pisiffigineqartussaq pillugit qulaani allasimasunik paasissutissanik pissarsinissami aamma toqqorsinissami saniatigut, pigisanik nalilinnik virtuelinik nuussineq ataasiakkaatut suussusersineqarsinnaanissaanut isumannaarinissamik peqquneqarpoq. Nalimikkut 1000 EUR-nik qaangiisunik, adressenut nammineq host-ikkanut nuussinerni, pisissusap pigisanut nalilinnut virtuelinut kiffartuussissutinik tuniniaasua, taanna adresse namineq host-igaq pisissusamit pigineqarnersoq imaluunniit nakkutigineqarnersoq naliliivigissallugu, aaqiinerinik naleqquttunik aalajangersaanissamut peqquneqarpoq.

Pigisat nalillit kryptot nuunneqartinnagit, pisissusap pigisanut nalilinnut virtuelinut kiffartuussissutinik kiffartuussissutinik tuniniaasua, allakkiat, qarasaasiami paasissutissat imaluunniit tutsuiginartumiit aamma arlaannaannulluunniit attuumassuteqanngitsumiit paasissutissat pissarsiarineqartut tunngavigalugit, pisissusap pillugu paasissutissat eqqortuunersut misissussavai. Taamaaliortoqarsinnaavoq pisissusap kinaassusia, peqqussummi (EU) 2015/849-mi artikeli 13 naapertorlugu misissorneqareersimalerpat, misissuinermilu tamatumani paasissutissat pissarsiarineqartut, peqqussummi eqqaaneqartumi artikeli 40 naapertorlugu toqqorsimatinneqarlutik

MISSINGIUT

imaluunniit pisisussamut peqqussummi (EU) 2015/849-mi artikeli 14, imm. 5 atuutsinneratigut. EU-mi aalajangikkanut allanut innersuussutinik naleqqussaaneq erseqqinnerusoq pillugu § 2-mut oqaaseqaatinut innersuussisoqarpoq.

Pisisussap pigisanut nalilinnut virtuelinut kiffartuussissutinik tuniniaasuanut, pigisanik nalilinnik virtuelinik nuussisoqarnissaata pissutissaqarnissaa imaluunniit piviusunnngortinnissaa, taassuma qulaani allassimasut paasissutissiinissamut piumasaqaatinut naapertuutilersimanera Isumannaarsimangippagu akuereqqusaanngilaq.

(Artikeli 15)

Pisiumiit ataatsimiit pigisanik nalilinnik kryptonik batchfilinngorlugit nuussinermi pisisup pigisanut nalilinnut kryptonut kiffartuussissutinik tuniniaasua pisussaaffeqqnngilaq paasissutissat, aningaasanik nuussinermut aalajangersakkami artikeli 14-imi allassimasut ilanngullugit nassiunnissaannut, batchfilip imarisaanik nuusiinerni ataasiakkaani, paasissutissat batchfilimiippata, paasissutissat artikeli 14 naapertorlugu misissorneqarsimappata, aammalu batchfilimi nuussinerit ataasiakkaat imarippatikkut pisisup distributed ledger adressea, pigisanut nalilinnut kryptonut kontonormua, taanna piuppat, imaluunniit transaktionsindikatorit paatsuugassaannngitsoq, art. 14, imm. 3 atuussimappat.

(Artikeli 16)

Pisisussap pigisanut nalilinnut virtuelinut kiffartuussissutinik tuniniaasua, periaatsinik sunniuteqarluartunik atuutilersitsissasoq, pisariaqarfiinilu pisisussaq aamma pisiffigineqartussaq pillugit aningaasanik nuussinermut aalajangersakkami artikeli 14, imm. 1-imi aamma 2-mi allassimasut paasissutissat, nuussinerup nalaani imaluunniit kingorna malinnaasussatut ilaanersut paasiniarlugu nuussinerit kingorngini imaluunniit nalaanni nakkutiginninnissamut peqquneqarpoq.

Adresseniit nammeneq host-ikkaniit nuussinerni, pisiffigineqartussap pigisanut nalilinnut virtuelinut kiffartuussissutinik tuniniaasua, artikeli 14, imm. 1-imi aamma 2-mi allassimasut paasissutissat pissarsiarineqarnissaannik aamma toqqorneqarnissannik, aamma pigisanik nalilinnik virtuelinik nuussinerit ataasiakkaatut suussusersineqarsinnaanissaasa isumannaarneqarnissaannik peqquneqarpoq. 1.000 EUR-nik adressenut nammeneq host-ikkanut nuussinerni, pisiffigineqartussap pigisanut nalilinnut virtuelinut kiffartuussissutinik tuniniaasua, taanna adresse nammeneq host-igaq pisiffigineqartussamit pigineqarnersoq imaluunniit nakkutigineqarnersoq naliliivigissallugu, aaqqiissutissanik naleqquttunik aalajangersaanissamut peqquneqarpoq.

Tamatuma saniatigut, pigisat nalillit kryptot pisiffigineqartussamut atorneqarsinnaalertinnagit, pisiffigineqartussaq pillugu artikeli 14, imm. 2-mi allassimasut paasissutissat eqqortuunersut misissoqqullugit pisiffigineqartussap pigisanut nalilinnut virtuelinut kiffartuussissutinik tuniniaasua peqquneqarpoq. Allakkiat, qarasaasiami paasissutissat imaluunniit tutsuiginartumiit aamma

MISSINGIUT

arlaannaannulluunniit attuumassuteqanngitsumiit paasissutissat pissarsiarineqartut tunngavigalugit taamaaliortoqassaaq.

Pisiffigineqartussamut pigisat nalillit kryptot atugassanngortinngikkallartillugit, allakkiat, qarasaasiami paasissutissat imaluunniit tutsuiginartumiit aamma arlaannaannulluunniit attuumassuteqanngitsumiit paasissutissat pissarsiarineqartut tunngavigalugit, pisiffigineqartussaq pillugu paasissutissat eqqortuunersut, pisiffigineqartussap pigisanut nalilinnut virtuelinut kiffartuussissutinik tuniniaasuata misissussavai. Pisiffigineqartussap kinaassusia, artikeli 14, imm. 2 naapertorlugu misissorneqareersimappat, misissuinnermilu tamatumani paasissutissat pissarsiarineqartut peqqussummi (EU) 2015/849-mi artikeli 40 naapertorlugu toqqorneqarsimappata, imaluunniit pisiffigineqartussamut, artikeli 14, imm. 5-ip atuutsinneratigut, taamaaliortoqarsinnaavoq. Pisiffigineqartussaq pillugu, pisisartumik ilisimanninnermut paasissutissat piffissani tulluurtuni, imaluunniit pisiffigineqartussamut pissutsit attuumassutillit allangussappata, nutarterneqartassasut, artikeli 14, imm. 5-ip aalajangersarpaa.

Pisiffigineqartussap pigisanut nalilinnut virtuelinut kiffartuussissutinik tuniniaasua pisisussaq aamma pisiffigineqartussaq pillugit piumasaqaataasunik tamakkiisunik paasissutissanik amigaateqartoq, pigisanik nalilinnik virtuelinik nuussineq piviusunngortinneqassanersoq, itigartinneqassanersoq, utertinneqassanersoq imaluunniit unitsikkallarneqassanersoq, paasinjarlugu, aarlerinaatinik tunngavilinnik sunnuteqarluartunik periaatsinik atuutilersitsissasoq aammalu siunertamut naapertuuttunik malitsiusussanik pineqaatissiissutinik aalajangersaanissamut peqquneqarpoq. Pisiffigineqartussap pigisanut nalilinnut virtuelinut kiffartuussissutinik tuniniaasua, paasissutissat amigartuunerat imaluunniit tamakkiisuunnginnerat ilisimaleruniuk, aarlerinaatit aallaaviit tunngavigalugit aammalu pisariaqanngitsumik kinguarsaanertaqanngitsumik, nuussiniarnerup itigartinnissaanut imaluunniit pigisat nalillit kryptot nuussat pisisussap pigisanik nalilinnik virtuelinik kontoanut utertillugit nassiuteqqullugit, imaluunniit pisiffigineqartussamut pigisat nalillit kryptot atorneqarsinnaalersinnagit, pisisussaq aamma pisiffigineqartussaq pillugit paasissutissat piumasaqaataasut pisiffigineqartussamut pissarsiariniaqqullugit, pigisanut nalilinnut virtuelinut kiffartuussissutinik tuniniaasooq peqquneqarpoq. Pigisanut nalilinnut virtuelinut kiffartuussissutinik tuniniaasup uteqqiasumik pisisussaq aamma pisiffigineqartussaq pillugit paasissutissat piumasaqaataasut saqqummiuttanngippagit, aallaqqaammut mianersoqqussutinik nassiussinernik ilaqarsinnaasunik aammalu pigisanut nalilinnut virtuelinut kiffartuussissutinik tuniniaasumik taassuminnga, tassunga imaluunniit tassanngaaniit niueqatigiinnerup killilersimaarnissaanut imaluunniit unitsinnissaanut, qaqugu pisiffigineqartussap pigisanut nalilinnut virtuelinut kiffartuussissutinik tuniniaasuata siunissami pigisanik nalilinnik virtuelinik nuussinerit suulluunniit itigartittalernissaannut piffissarititaasunik aalajangersaanissamut pisiffigineqartussap pigisanut nalilinnut virtuelinut kiffartuussissutinik tuniniaasua peqquneqarpoq.

MISSINGIUT

(Artikeli 18)

Pisineramik tiguisup pigisanut nalilinnut kryptonut kiffartuussissutinik tuniniaasua, pisisoq imaluunniit pisineramik tiguisoq pillugit paasissutissat amigaataasut, pigisanik nalilinnik kryptonik imaluunniit nuussinermut tassunga atassuteqartunik nuussinirit pasinartuusinnaaneri aammalu taakkua Financial Intelligence Unit-imut (FIU) nalunaarutigineqassanersut, pillugit nalilersuinermini faktoritit ilaatissavai, Savalimmiunut tassaasoq Danmarkimi Hvidvasksekretariateti.

(Artikeli 19)

Pigisanut nalilinnut kryptonut kiffartuussissutinik akunnermuliuttutut tuniniaasooq tassaavoq pigisanut nalilinnut kryptonut kiffartuussissutinik tuniniaasooq, pisisup imaluunniit pisineramik tiguisup pigisanut nalilinnut kryptonut kiffartuussissutinik tuniniaasorinngisaat, aammalu pigisanik nalilinnik kryptonik nuussinermik tiguisoq aammalu ingerlatitseqqiisooq pisisup imaluunniit pisineramik tiguisup pigisanut nalilinnut kryptonut kiffartuussissutinik tuniniaasua sinnerlugu imaluunniit pigisanut nalilinnut kryptonut kiffartuussissutinik akunnermuliuttutut tuniniaasooq alla sinnerlugu.

(Artikeli 20-21)

Pigisanik nalilinnik virtuelinik nuussinermi ilanngullugit nassiunneqartut, pisisussaq aamma pisiffigineqartussaq taannaqqissaajusoq pillugit paasissutissat tiguneqartut tamarmik nuussinermut tassunga ilagitillugit nuunneqartassasut, aammalu paasissutissanik taamaattunik nalunaarsuinerit toqqorneqartassasut aammalu noqqaassuteqartoqarneratigut oqartussaqarfinnut piginnaatitaasunut atugassanngortinneqartarnissaannut, isumannaarinissamut akunnermiliuttutut pigisanut nalilinnut virtuelinut kiffartuussissutinik tuniniaasut peqquneqarput.

Akunermiliuttutut pigisanut nalilinnut virtuelinut kiffartuussissutinik tuniniaasooq, pisisussaq aamma pisiffigineqartussaq pillugit piumasaqaataasunik paasissutissanik amigaateqartoq, pigisanik nalilinnik virtuelinik nuussineq piviusunngortinneqassanersooq, itigartinneqassanersooq, utertinneqassanersooq imaluunniit unitsikkallarneqassanersooq, paasiniarlugu aarlerinaatinik tunngavilinnik sunniuteqarluartunik periaatsinik atuutilersitsissasooq aammalu siunertamut naapertuuttunik malitsigitassanik aaqqiinernik aalajangersaanissamut peqquneqarpoq. Akunermiliuttutut pigisanut nalilinnut virtuelinut kiffartuussissutinik tuniniaasup, paasissutissat amigartuunerat imaluunniit tamakkiisuunnginnerat ilisimaleruniuk, aarlerinaatinik aallaaviit tunngavigalugit aammalu pisariaqanngitsumik kinguarsaanertaqanngitsumik, nuussiniarnerup itigartinnissaanut imaluunniit pigisat nalillit kryptot nuussat pisisussap pigisanik nalilinnik virtuelinik kontoanut utertillugit nassiuteqqullugit, imaluunniit pisiffigineqartussamut pigisat nalillit kryptot atorneqarsinnaalersinnaagit, pisisussaq aamma pisiffigineqartussaq pillugit paasissutissat piumasaqaataasut pissarsiariniaqqullugit tuniniaasooq peqquneqarpoq.

MISSINGIUT

Pigisanut nalilinnut virtuelinut kiffartuussissutininik tuniniaasup uteqqiasumik pisisussaq aamma pisiffigineqartussaq pillugit paasissutissat piumasqaataasut saqqummiuttanngippagit, aallaqqaammut mianersoqqussutininik nassiussinernik ilaqarsinnaasunik aammalu pigisanut nalilinnut virtuelinut kiffartuussissutininik tuniniaasumik taassuminnga, tassunga imaluunniit tassanngaaniit niueqatiginnittarnernik killilersimaarinninnissamik imaluunniit unitsitsinissamik, qaqugu akunnermiliuttutut pigisanut nalilinnut virtuelinut kiffartuussissutininik tuniniaasooq, siunissami pigisanik nalilinnik virtuelinik nuussinerit suulluunniit itigartittalernissaannut piffissaliussanik aalajangersaanernik, aaqqiinernik aalajangersaassasoq, akunnermiliuttutut pigisanut nalilinnut virtuelinut kiffartuussissutininik tuniniaasooq peqquneqarpoq.

(Artikeli 22)

Pigisanik nalilinnik virtuelinik nuussineq imaluunniit tamatumunnga attuumassutilinnik nuussinerit pasinapilussinnaanerit pillugu, aammalu tamanna Financial Intelligence Unit-imut (FIFU) nalunaarutigineqarnissaat pillugu nalililersuinerimi, pisisussaq aamma pisiffigineqartussaq pillugit paasissutissat amigaataasut, akunnermiliuttutut pigisanut nalilinnut virtuelinut kiffartuussissutininik tuniniaasup faktoritit ilaatissavai.

3.2.4. – Kapitali IV aamma V– Akiliinernut kiffartuussissutininik tuniniaasunit aamma pigisanut nalilinnut virtuelinut kiffartuussissutininik tuniniaasunit atorneqartussat aaqqiinernit ataatsimoorussat kiisalu paasissutissat, qarasaasiakkut paasissutissanik illersuineq aamma nalunaarsuutininik toqqorsimatitsineq

(Artikelit 23 - 27)

Akiliisoq aamma akiliutinik tiguisoq pillugit, imaluunniit pisisussaq aamma pisiffigineqartussaq pillugit paasissutissat, ukiuni tallimani toqqorneqarnissaannik, akiliisup aamma akiliutinik tiguisup akiliinermut kiffartuussissutininik neqeroortartua kiisalu pisisussap aamma pisiffigineqartussap pigisanut nalilinnut virtuelinut kiffartuussissutininik tuniniaasua peqquneqarput. Ukiut tallimat qaangiunneranni, nunami tamarmi inatsisit malillugit allamik aalajangersaasoqanngippat, paasissutissat piarneqassapput.

3.2.5. – Kapitali VI – Pillaatitut iliuutsit aamma alapernaarsuineq

(Artikelit 28 - 33)

Aalajangersagaq malillugu aalajangersakkamik unioqquitsinermut, naalagaaffiit ilaasortaasut, allaffissormikkut pillaatitut iliuutsininik aamma aalajangersakkat pillugit pillaasarnermut inatsisitigut pillaatitut iliuutsininik aamma aalajangersakkanik aalajangersaanissamut periarfissaqarput, tamatuma kingunerisaanik, tamakkua piviusunngortinnissaanut isumannaarinissamut aaqqiinernik pisariaqartunik tamanik aalajangersaasinnaallutik.

3.2.6. – Kapitali VII – Piviusunngortitsinissamut piginnaatitsissutit

MISSINGIUT

Pinerlunnikkut aningaasarsianik malunnarunnaarsaasarnermik aamma peqqarniisaarnernut aningaasalersuisarnermik pitsaaliuineq pillugu EU-mi ataatsimiititaliami immikkut ittumit Kommissioni ikiorneqassasoq peqqussummi artikeli 23-mi aalajangersarneqarpoq. Ataatsimiititaliaq taanna piviusunngortitsinissamut piginnaatitaaffinnik Kommissionip ingerlatsineranik naalagaaffiit ilaasortaasut qanoq nakkutiginninnissaannut malittarisassat aamma najoqqutassiat nalinginnaasut pillugit Europa-Parlamentip aamma Rådetip aalajangersagaanni (EU) nr. 182/2011, 16. februar 2011-meersumi pineqartoq ataatsimiititaliaavoq. EU-mi aalajangersakkat assigiiarnissaat aalajangersakkap isumannaarpaa. EU-mi aalajangikkanut allanut innersuussutinik naleqqussaaneq erseqqinnerusoq pillugu § 2-mut oqaaseqaatinut innersuussisoqarpoq.

3.2.7. – Kapitali VIII – Ilaatinnngisat

Aalajangersakkami artikeli 35 malillugu, piumasaqaatit ilaasa ataanni, naalagaaffik ilaasortaasooq Kommissionip piginnaatissinnaavaa, (»nuna imaluunniit sumiiffik killeqarfilik pineqartoq«), nunamik pingajuusumik imaluunniit TEUF-imi artikeli 355-imi allassimasutut TEU-mut aamma TEUF-imut atuuffeqarfiusumik, sumiiffimmik nunatut oqartussaaffiup avataaniittumik, isumaqatigiissuteqarsinnaanerani. EU-mi aalajangikkanut allanut innersuussutinik naleqqussaaneq erseqqinnerusoq pillugu § 2-mut oqaaseqaatinut innersuussisoqarpoq.

3.2.8. Kapitali IX – Aalajangersakkat allat

Europami aningaaserivinnik nakkutilliinermut oqartussaasut (EBA - European Banking Authority), oqartussaasunut piginnaatitaasunut aamma akiliinermut kiffartuussissutinik tuniniaasunut kiisalu pigisanut nalilinnut virtuelinut kiffartuussissutinik tuniniaasunut najoqqutassianik, aningaasanik nuussisarnermut aalajangersakkat 3.-at naapertorlugu, suut aaqqiinerit aalajangiunneqassanerannik imalinnik atuutilersitsissapput.

3.2.9. Kapitali X – Kukkunersiuineq

Aningaasanik nuussisarnermut aalajangersakkat 3.-annik atuutilersitsinerup kingorna kingusinnerpaamik qaammatit 12-it qaangiunneranni, aalajngersagaq Kommissionimit nutarterneqassaaq.

3.2.10. Kapitali XI – Inaarutaasumik aalajangersakkat

Pinerlunnikkut aningaasarsianik malunnarunnaarsaasarnermut imaluunniit peqqarniisaarnernut aningaasalersuisarnermut aningaaseriveqarnikkut aaqquissuussamik atonerluinissamut pitsaaliuilluni pineqaatissiinerit pillugit EU-p peqqussutaani 2015/849, 20. maj 2015-meersumi allannguutinik artikeli 38 imaqarpoq.

MISSINGIUT

Aningaasanik nuussisarnermut aalajangersakkat 2.-nnik atorunnaarsitsineq aamma EU-mi nunanut ilaasortaasunut piffissaq atuutilersitsiffissaq pillugit aalajangersakkanik, artikeli 39 aamma 40 imaqarput.

4. Naalagaaffiit peqatigiit nunarsuarmi anguniagaannut kingunissai

Inatsisissatut siunnersuut Naalagaaffiit peqatigiit nunarsuarmi inertequtaasumik aningaasanik kaaviaartitsinerit aamma aaqqissuussamik pinerlunnerit akiorneqarnissaat pillugu nr. 16-mi anguniagaasa ilaasa 16.4-p naammassineqarnissaanut attuumassuteqartunik aamma malunnaatilinnik kinguneqarnissaa nalilerneqarpoq, inatsisissatut siunnersuut aningaasarsianik malunnarunnaarsaasernerup aamma peqqarniisaarniarnernut aningaasalersuisarnerup akiorneqarnerinut nukittunerulersitseqataammat.

5. Naalagaaffeqatigiinnermut kingunissai

Inatsisissatut siunnersuutip aningaasanik nuussisarnermut aalajangersakkat 3.-at Kalaallit Nunaannut atuutilersippaa. Aalajangersakkap imarisaa allannguutitigut Kalaallit Nunaanni pissutsinut naapertuuttunngortinneqarpoq inatsisissami siunnersuummi § 2 malillugu nalunaarummik atuutilersitsinikkut.

Malittarisassat assigiiat naalagaaffeqatigiinnermi killeqarfitsigut killilersuutinik minnerulersitseqataapput. Taamaattumik naatsorsuutigineqarpoq, inatsisissatut siunnersuut naalagaaffeqatigiinnermut pitsaasunik kinguneqartitsissasoq.

6. Aningaasaqarnikkut kingunissai aamma atuutilersitsinerup pisortanut kingunissai

Inatsisissatut siunnersuut nalilerneqarpoq Finanstilsynetip aningaasaqarneranut kinguneqarsinnaassasoq, nakkutilliineq inatsimmut atuuttumut sanilliullugu annertunerulersinneqartussaammat. Tamatuma annertussuserisinnaasaa nalilersussallugu massakkut naammattumik tunngavissaqanngilaq. Taamaattoq naatsorsuutigineqarpoq, inatsisissatut siunnersuutip kingunerisaanik qaavatigut aningaasartuutit killeqarnissaat. Qaavatigut aningaasartuutit taakkua naatsorsuutigineqarput aningaasatigut sinaakkutit pioreersut iluini isumagineqarsinnaanissaat.

MISSINGIUT

Inatsisissatut siunnersuut nalilerneqarpoq Justitsministeriap susassaarfiani aningaasaqarnermut kinguneqarsinnaassasoq, inatsisissatut siunnersuut malillugu malittarisassanik Savalimmiunut atuuttussanik unioqqutitsineq pillugu saniatigut suliarineqarsinnaasut suliarineqarnerinut atatillugu. Tamatuma annertussusissaa nalilersussallugu massakkut naammattumik tunngavissaqanngilaq. Aningaasartuutit naatsorsuutigineqarput Justitsministeriap aningaasatigut sinaakkutaasa pioreersut iluini isumagineqarnissaat.

Aningaasaqarnikkut kingunissai qaavatigut annertussusilerneqanngillat.

7. **Inuussutissarsiortunut il. il., aningaasaqarnikkut aamma allaffissornikkut kingunissai**

Inatsisissatut siunnersuut Danmarkimut atuutinngilaq, taamaattumik inuussutissarsiortunut il. il. kingunissai nalilersorneqaratik.

8. **Innuttaasunut allaffissornikkut kingunissai**

Inatsisissatut siunnersuut Danmarkimut atuutinngilaq, taamaattumik allaffissornikkut innuttaasunut kingunissai nalilersorneqaratik.

9. **Silap pissusianut kingunissai**

Inatsisissatut siunnersuut, Danmarkimut atuutinngilaq, taamaattumik silap pissusia eqqarsaatigalugu kingunissai nalilersorneqaratik.

10. **Avatangiisinut aamma pinngortitamut kingunissai**

Inatsisissatut siunnersuut Danmarkimut atuutinngilaq, taamaattumik avatangiisinut aamma pinngortitaq eqqarsaatigalugu kingunissai nalilersorneqaratik.

11. **EU-mi inatsiseqarnermut tunngasut**

Inatsisissatut siunnersuutip aningaasanik nuussisarnermut aalajangersakkat 3.-at, tak. ilanngussa 1, Kalaallit Nunaannut atuutilersippaa.

Nakkutilliinerminut atatillugu, Finanstilsynetip aningaaseriviit il. il. aningaaseriveqarnermut inatsisit malinneraat nakkutigissavaa, tassunga ilagitillugit intsisit EU-mi inatsisinik tunngavillit, soorlu taassuma EU-mi eqqartuussivimmit nassuiarneqarnerattut.

Aningaaseriveqarnermik il. il. nakkutilliineq, Kalaallit Nunaannit tiguneqarnikuunngilaq. Tamanna isumaqarpoq, Kalaallit Nunaanni aningaaseriveqarneq Finanstilsynetimit nakkutigineqartoq.

MISSINGIUT

Inatsisissatut siunnersuutitigut tamanna allanngortinneqanngilaq. Inatsisissatut siunnersuummi §§ 1 aamma 2 malillugit, aningaasanik nuussisarnermut aalajangersakkat 3.-annut atatillugu EU-mi eqqartuussiviup suleriaasia – Kalaallit Nunaata EU-mut ilaasortaanninnera, taamaattumillu EU-mi eqqartuussiviup aalajangiinerinut pituttugaanninnera apeqqutaatinnagu – Kalaallit Nunaanni aningaaseriveqarnermik il. il., Finanstilsynetip nakkutilliineranut sunniuteqassaaq, tassami, EU-mi eqqartuussiviup suleriaasia malillugu Finanstilsynetimit nakkutilleeriaaseq Kalaallit Nunaanni aningaaseriveqarnermut atorneqassammat.

Malittarisassanik assingusunik Kalaallit Nunaannut aalajangersaasoqanngippat, Kalaallit Nunaat, nunatut pingajuusutut naleqqatigiinninngitsutut isigineqassaaq. Tamatumalu kingunerisussaassallugu nuussinernik, danskit akuereriaasiinik nalinginnaasunik atuiffiusunut, ullumikkut atugaasunik Kalaallit Nunaannit atuisoqarsinnaannginnera.

12. Oqartussa qarfiit aamma suliniaqatigiiffiit il. il. tusarniaavigineqartut

[Tamanut tusarniaanissaq utaqqimaarneqarpoq]

13. Immersugaq eqikkaaffiusoq

	Kingunissat pitsaasut/aningaasartuutikinnerun eq (Aappiuppat, annertussuseq allaguk/Naaggaappat »Soqanngilaq« allaguk)	Kingunissat pitsaanngitsut/aningaasartuuteqarnerun eq (Aappiuppat, annertussuseq allaguk/Naaggaappat »Soqanngilaq« allaguk)
Naalagaaffimmut, kommuninut aamma nunap ilaanut aningaasaqarnikkut kingunissai	Soqanngilaq	Soqanngilaq
Naalagaaffimmut, kommuninut aamma nunap ilaanut	Soqanngilaq	Soqanngilaq

MISSINGIUT

atuutilersitsiner kingunissai		
Inuussutissarsiortunuu t il. il. aningaasaqarnikkut kingunissai	Soqanngilaq	Soqanngilaq
Inuussutissarsiortunuu il. il. allaffissornikkut kingunissai	Soqanngilaq	Soqanngilaq
Innuttaasunut allaffissornikkut kingunissai	Soqanngilaq	Soqanngilaq
Silap pissusianut kingunissai	Soqanngilaq	Soqanngilaq
Avatangiisinut aamma pinngortitamut kingunissai	Soqanngilaq	Soqanngilaq
EU-mi inatsiseqarnermut tunngasut	<p>Aningaasanik nuussisarnermut aalajangersakkat 3.-anni aalajangersakkanut assingusut, Kalaallit Nunaanni aalajangersakkat, Inatsisissatut siunnersuutitigut aalajangersarneqarput.</p> <p>Finanstilsynetip nakkutilliinerminut atatillugu, aningaaseriveqarfiit il. il., aningaaseriveqarnermut inatsisit, tassunga ilagitillugit EU-mi inatsisinik tunngavillit malinneraat nakkutigissavaa, soorlu taassuma EU-p eqqartuussivianit nassuiarneqarnerattut.</p> <p>Kalaallit Nunaata EU-mut ilaasortaanginnera, taamaattumillu EU-mi eqqartuussiviup aalajangiinerinut pituttugaanginnera apeqqutaatinnagu, aningaasanik nuussisarnermut aalajangersakkat 2.-annut aamma 3.-annut atatillugu EU-mi eqqartuussiviup suleriaasia, Kalaallit Nunaanni aningaaseriveqarnerup il. il., Finanstilsynetip nakkutilliinerminik ingerlataqarneranut sunniuteqassaaq, tassami, EU-mi eqqartuussiviup suleriaasia malillugu Finanstilsynetimit nakkutilleeriaaseq Kalaallit Nunaanni aningaaseriveqarnermut atorneqassammat.</p>	
Inuussutissarsiornerm ut sammisumik EU-mi	Aap	Naagga

MISSINGIUT

maleruagassiuinermik atuutilersitsinermut najoqqutassianut tallimaasunut akerliupput (attuumassutilimmik annertussusilimmik, inuussutissarsiornerm ut sammisuunngitsumut EU-mi maleruagassiuinermik atuutilersitsinermi aammattaaq atuuttoq (kryds-ileruk))	x
---	---

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsit atuuttoq, nuussisunut, tiguisisunut imaluunniit aningaasanik nuussinermut peqataasunut, Kalaallit Nunaanni akiliinermik ingerlatitseqqiisartunut, ilaatigut akiliisoq aamma

MISSINGIUT

akiliutininik tiguisoq pillugit paasissutissat ilanngullugit nassiunneqartussat pillugit piumasaqaatinik imaqarpoq.

Inatsisit atuuttut, akiliisoq aamma akiliutininik tiguisoq pillugit paasissutissat ilanngullugit nassiunneqartarnissaat pillugit ullumikkut piumasaqaateqarfiupput. Akiliisup aamma akiliutininik tiguisup, akiliinermik ingerlatitseqqiisartui kiisalu akunnermiliuttut akiliinermik ingerlatitseqqiisartui, paasissutissat piumasaqaataasut tamaasa ilanngullugit nassiunneqartarnissaat aammalu naammattumik uppersaaserneqarsimanissaat qulakkeertassavaat.

Aningaasanik nuussinermi paasissutissat ilanngullugit nassiunneqartussat aammalu pigisat nalilit kryptot ilaannik nuussinermi, aamma peqqussummik 2015/849-mik (tamatum kingorna aningaasanik nuussisarnermut aalajangersakkat 3.-at, tak. ilanngussa 1) allanngueq pillugu Europa-Parlamentip aamma Rådetip aalajangersagaani 2023/1113/EU-mi aalajangersakkat Kalaallit Nunaannut atuutissasut, § 1-imi siunnersuutaavoq.

Inatsisissatut siunnersuummik akuersissutiginninnermi, aningaasanik nuussisarnermut aalajangersakkat 3.-at, inatsimmut ilanngussaajumaarpoq taamaalillunilu inatsisitut sunniuteqassalluni.

Aningaasanik nuussinermut peqqussummik aningaasanik nuussinermi aamma pigisanik nalilinnik virtuelinik nuussinermi, paasissutissat ilanngullugit nassiunneqartussat pillugit piumasaqaatinik aalajangersaasoqarpoq.

Aningaasanik nuussisarnermut aalajangersakkat 3.-at malillugu, pigisanut nalilinnut virtuelinut kiffartuussissutinik tuniniaasut aamma akunnermiliuttut pigisanut nalilinnut virtuelinut kiffartuussissutinik tuniniaasut ilaatinneqarput. Peqqussut malillugu akiliinermut kiffartuussissutinik tuniniaasut akiliisoq aamma akiliutininik tiguisoq pillugit paasissutissat ilanngullugit nassiussisarnerattut, pigisanut nalilinnut virtuelinut kiffartuussissutinik tuniniaasut aamma akunnermiliuttut tuniniaasut pisisussaq aamma pisiffigineqartussaq pillugit paasissutissat ilanngullugit nassiuttassavaat.

Taamaalilluni aalajangersagaq, akiliisussap akiliinermut kiffartuussissutinik tuniniaasunut, akiliiffigineqartussap akiliinermut kiffartuussissutinik tuniniaasunut, pigisanut nalilinnut virtuelinut kiffartuussissutinik tuniniaasunut kiisalu akunnermiliuttut akiliinermik ingerlatitseqqiisartunut aamma akunnermiliuttut pigisanut nalilinnut virtuelinut kiffartuussissutinik tuniniaasunut pisisaaffinnik imaqarpoq.

MISSINGIUT

Tamatuma saniatigut paasissutissanut, qarasaasiami paasissutissanik illersuinermut, nalunaarsuutitik toqqorsinermit kiisalu pilneqaatissiissutitut iliutsinut aamma nakkutilliinermit piumasaaqatinik aalajangersagaqarpoq.

Tamatuma saniatigut Erhvervsministeriap isumaliutaani aaqqiineq siunnersuutaasoq pillugu oqaaseqaatini nalinginnaasuni immikkoortoq 3.2-mut innersuussisoqarpoq, aalajangersakkap imarisaanik erseqqinnerusumik nassuiaateqarfiusumut.

§ 2-mut

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsimmi nr. 326, 30. marts 2019-imeersumi § 2-mi atuuttoq malillugu, erhvervsminister Savalimmiut Naalakkersuisui tusarniaavigereerlugit aningaasanik nuussisarnermut aalajangersakkat 2.-ni aalajangersakkanik atuineq pillugu Savalimmiunut malittarisassanik aalajangersaasinnaavoq, tassunga ilagitillugu aalajangersakkanik allanngiineq, Savalimmiuni pissutsinut naapertuuttunik. Ullumikkut aalajangersagaq malillugu malittarisassanik atuutilersinneqarsimasunik atuuttoqanngilaq.

Kalaallit Nunaanni pissutsit apeqqutaatillugit Kalaallit Nunaannut malittarisassanik, erhvervsministeri aalajangersaassasoq, § 2-mi siunnersuutigineqarpoq, tassunga ilagitillugit aalajangersakkanik allanngiinerit pillugit peqqussummi aalajangersakkanik atuineq.

Aalajangersagaq siunnersuutaasoq, aningaasanik nuussisarnermut aalajangersakkat 3.-anni atortussianut aalajangersakkanik saneqqussinissamut inatsisitigut tunngavissinngilaq taamaallaali Kalaallit Nunaanni pissutsit apeqqutaatillugit, tulluarsaanernik pisariaqartunik suliaqarnissamut piginnaatitsilluni. Taamaattoq aningaasanik nuussisarnermut aalajangersakkat 3.-anni saneqqussinissamut periarfissaqarneranik allassimasoqartillugu saneqqussisoqarsinnaavoq.

Kalaallit Nunaanni pissutsinut tulluarsaanerit Kalaallit Nunaanni oqartussat aaqqissugaanerannut sammititneqassapput, tassunga ilagitillugit Kalaallit Nunaanni pissutsit, Danmarkimi pissutsinit allaaneruset. Taamaattoq aalajangersakkami piginnaatitsissut aammattaaq oqartussaqaarfiit aaqqissugaanerannut tunngasuunngitsunut atorneqarsinnaavoq, tassunga ilagitillugit assersuutigalugu Kalaallit Nunaanni aningaasarsiornermik ingerlatsivinni suleriaatsinut, Kalaallit Nunaanni pissutsit tunngavigalugit tamanna pisariaqartinneqarpat.

Kalaallit Nunaat EU-mut ilaasortaannngimmat, taamaattumillu naalagaaffimmi inatsisinit allanit imaluunniit kunngip peqqussutaatigut Kalaallit Nunaannut atuutilersinneqarsimangippata, EU-p

MISSINGIUT

aalajangersagaanut imaluunniit malittarisassanut allanut peqqussummi innersuussinerit Kalaallit Nunaannut atuunnavianninnerat, naleqqussaannut tunngavilersuutigineqarsinnaapput.

Kalaallit Nunaanni pissutsinut naleqqussaanerit, allaffissornikkut najoqqutassatigut suliarineqartarnerat siunertamut naapertuuppoq. Naleqqussaanerit taakkua annerusumik teknikimut tunngasuupput, taamaalilluni allannguinerit iluarsaassinerillu sukkasuumik eqaatsumillu ingerlanneqarsinnaanissaat isumannaarneqassalluni. Kalaallit Nunaanni pissutsinut naleqqussaanerit, aningaasanik nuussisarnermut aalajangersakkat 3.-anni aalajangersakkat suleriaatsikkut qanoq atornerqarnerannik pisariaqartitamik misilittagaqalernerimut peqatigitillugu ingerlaavartumik ingerlanneqarsinnaanerit, taamatuttaaq siunertamut naapertuuppoq.

Aalajangersagaq malillugu, Kalaallit Nunaannut atuuttussamik allaffissornikkut najoqqutassanik aalajangersaanermut suleriaaseq naapertorlugu, atuutilersitsineq pitinnagu, sioqqutsisumik allaffissornikkut najoqqutassat pillugit Kalaallit Nunaanni oqartussa qarfinnut tusarniaasoqartassaaq. Taamaalilluni aningaasanik nuussisarnermut aalajangersakkat 3.-anni aalajangersakkanik naleqqussaaneq Kalaallit Nunaanni oqartussa qarfiit suleqatigalugit pisassaaq, taamaalilluni aningaasanik nuussisarnermut aalajangersakkat 3.-anni aalajangersakkat Kalaallit Nunaanni siunertanut naapertuunnerpaamik atornerqarsinnaaqullugit.

§ 3-mut

Inatsisitigut akisussaasuusunik pinerluttulerinermik akisussaatinneqarsinnaanerit, akisussaaffimmik inissiinermut najoqqutassiat nalinginnaasut naapertorlugu aalajangerneqartassaaq.

Imm. 1-imi siunnersuutigineqarpoq, aningaasanik nuussisarnermut aalajangersakkat 3.-anni artikeli 4-miit 8-mut, 10-miit 12-imut, 14-miit 21-mut aamma 26-mik unioqqutitsinermut, akiligassiinikkut pineqaatissiilluni eqqartuussisoqarsinnaasoq.

Pissutsini immikkut ilungersunartuni, aningaasanik nuussisarnermut aalajangersakkat 3.-anni artikeli 4-miit 8-mut, 10-miit 12-imut, 14-imiit 21-mut aamma 26-mik unioqqutitsinermut, akiliisitsinermik pineqaatissiinernit allaanerusunik eqqartuussisoqarnissaanik periarfissaqartoq, *imm. 1*-imi, *oqaaseqatigiit 2*-anni siunnersuutaavoq. Pissutsit immikkut ilungersunartut pineqartillugit, imatut paasineqassaaq immikkut ingasattumik imaluunniit annertuumik piaaraluni unioqqutitsinerit.

Pillaatissamik aalajangersaanermut suliami pisut ataasiakkaat pillugit eqqartuussiviit nalilersuinerat nangittumik apeqqaataassaaq. Ataani pillaatissat assigiinngitsut allassimasut qummut amullu saneqqunneqarsinnaassapput, suliami aalajangersimasumi pissutsit sakkortusaataappata imaluunniit sakkukillisaataappata.

MISSINGIUT

Aningaasanik nuussisarnermut aalajangersakkat 3.-anni artikelini ataasiakkaani pisuunermi pissutsit aamma akisussaaffik pillugit oqaaseqaatit ataani allaaserineqarput.

Aningaasanik nuussisarnermut aalajangersakkat 3.-anni artikeli 4

Artikeli 4-mi, imm. 1 naapertorlugu, akiliisup akiliinermut kiffartuussissutinik tuniniaasuata, aningaasanik nuussinermi akiliisup aqqa, akiliisup akiliinermut kontonormua, aamma akiliisup adressia, pisortatigoortumik allagaatinik normua, pisisartutut kinaassutsimut normua imaluunniit ulloq inunngorfik aamma sumiiffik kiisalu inatsisitigut kinaassutsimut ilisarnaataanik atuuttumik (legal entity identifier (LEI)) imaluunniit pisortatigoortumik kinaassusaanik upppernarsaasumik sumilluunniit assingusumik pissarsiarineqarsinnaasumik ilanngussilluni nassiussinissaq isumannaassavaa.

Taamaattoq oqaatigineqassaaq artikeli 6, imm. 1-imi aalajangersarneqarmat batchfili atorlugu nuussinerit akiliisumit ataasiusumeersut, akiliiffigineqartussap akiliinermut kiffartuussissutinik tuniniaasua EU-p avataani suliffeqartillugu, batchfili paasissutissanik artikeli 4, imm. 1-imi, 2-mi aamma 3-mi pineqartunik imaqarpat, paasissutissallu artikeli 4, imm. 4 aamma 5 naapertorlugit nakkutigineqarsimappata, nuussinerillu akiliisup akiliutinut kontonormuanik imaqarlutik, nuussinernut ataasiakkaanut tamatumunnga katersuunneqarsimasunut artikeli 4, imm. 1 atuutinngilaq, imaluunniit artikeli 4, imm. 3 atuuppat, nuussinermi kinaassutsimik paasinninnissamut paatsuugassaangitsumik imaqassalluni.

Artikeli 4, imm. 1-istik unioqqutitsinermut akisussaataaneq akiliisussap akiliinermut kiffartuussissutinik tuniniaasuaniippoq, aammalu akiliisup akiliinermut kiffartuussissutinik tuniniaasuata paasissutissat ilanngullugit nassiunneqarnissaat isumannaanngippagu tamanna iliuseq pillaatissiissutaasussanngusaaq.

Aningaasanik nuussinermi akiliiffigineqartussap aqqa aamma akiliinermut kontonormua pillugit paasissutissat ilanngullugit nassiunneqartarnissaat, akiliisussap akiliinermut kiffartuussissutinik tuniniaasuata isumannaassagaa, artikeli 4-mi, imm. 2-p aalajangerpaa.

Artikeli 4, imm. 2-mik unioqqutitsinermut akisussaataaneq, akiliisussap akiliinermut kiffartuussissutinik tuniniaasuaniippoq, aammalu akiliisup akiliinermut kiffartuussissutinik tuniniaasuata paasissutissat ilanngullugit nassiunneqarnissaat isumannaanngippagu tamanna iliuseq pillaatissiissutaasussanngusaaq.

MISSINGIUT

Nuussinert akiliutinut kontomeersut imaluunniit akiliutinut kontomukartut akiliutinut kontonormunut imaluunniit akiliutinut kontonormunut taarsiullugu kinaassutsimik uppersaammik paatsuugassaangitsumik ingiaqateqartinnissaat akiliinermut kiffartuussissutinik tuniniaasup isumagissagaa artikeli 4, imm. 3-p aalajangerpaa. Nuussinermi kinaassutsimik uppersaammik paatsuugassaangitsumik oqarnermi makkua; akiliinermut aamma ingerlatsinermut systeminut imaluunniit nalunaaruteqartarnermut systeminut allattaaviit naapertorlugit akiliinermut kiffartuussissutinik tuniniaasumit aalajangersarneqartut, naqinnerit, kisitsisit ilisarnaatilluunniit akuleriiaartut, aningaasanik nuussinermi atorineqartussat pineqarput, taakkunatigut nuussineq akiliisumut aamma akiliiffigineqartumut uterluni paasinierneqarsinnaassamat, tak. aalajangersakkami artikeli 3, nr. 12.

Artikeli 4, imm. 3-mik unioqquitsinermut akisussaataaneq, akiliinermut kiffartuussissutinik tuniniaasumiippoq, aammalu akiliinermut kiffartuussissutinik tuniniaasup, paatsuugassaangitsumik nuussinermut kinaassutsimik uppersaammik ilaqartitsinissamik isumaginninnginnera pillaatissiissutaassalluni.

Artikeli 4, imm. 1-imi allassimasut allakkiat, qarasaasiami imaluunniit tutsuiginartumiit aammalu arlaannaannulluunniit attuumassuteqanngitsumiit paasissutissat tunngavigalugit paasissutissat eqqortuunerat, akiliisussap akiliinermut kiffartuussissutinik tuniniaasuata misissortassagaa, artikeli 4, imm. 3-mi aalajangersarneqarpoq.

Artikeli 4, imm. 4-mik unioqquitsinermut akisussaaffik, akiliisussap akiliinermut kiffartuussissutinik tuniniaasuaniippoq, iliuuseqarnerlu pillaatissiissutaasusaaq tassaavoq, tutsuiginartumiit aammalu arlaannaannulluunniit attuumassuteqanngitsumiit paasissutissat tunngavigalugit ilanngullugit nassiunneqartussat eqqortuunersut, akiliisussap akiliinermut kiffartuussissutinik tuniniaasuata misissorsimannikkai.

Artikeli 4, imm. 5-imi aalajangersarneqarpoq, akiliisussap kinaassusaa misissorneqareersimappat, imm. 4-mi allassimasooq misissuineq ingerlanneqarsimasutut isigineqassasoq.

Artikeli 4, imm. 4-mik unioqquitsinermut akisussaaffik, akiliisussap akiliinermut kiffartuussissutinik tuniniaasuaniippoq, iliuuseqarnerlu pillaatissiissutaasartoq tassaavoq misissuisoqarsimanninnginnera.

Artikeli 4, imm. 6 naapertorlugu, akiliisussap akiliinermut kiffartuussissutinik tuniniaasuata, artikeli 4-mut tamakkiisumik naapertuunnissaa qulakkeereersimatinnagu, akiliinermut kiffartuussissutinik tuniniaasup aningaasanik nuussineq naammasseqqusaanngilaa, taamaattoq tak. artikeli 5-imi aamma 6-imi ilaatitsnnginnerit.

MISSINGIUT

Artikeli 4, imm. 6-imik unioqutitsinermut akisussaaffik, akiliisussap akiliinermut kiffartuussissutinik tuniniaasuaniippoq, iliuseqarnerlu pillaatissiissutaasartoq, akiliinermut kiffartuussissutinik tuniniaasup, artikeli 4-mut tamakkiisumik suli naapertuutilersinneqannginnerani, aningaasanik nuussinermik naammassinnikkut pisarpoq, taamaattoq tak. artikeli 5-imi aamma 6-imi ilaatitsnnginnerit.

Aningaasanik nuussisarnermut aalajangersakkat 3.-anni artikeli 5

Akiliutit ingerlaarfiinut akuusut, akiliinermut kiffartuussissutinik tuniniaasut tamarmik, EU-mi inissisimaffeqarpata, artikeli 4, imm. 1 aamma 2 apeqqutaatinnagit, minnerpaamik akiliisussap aamma akiliiffigineqartussap akiliinermut kontonormuanik, imaluunniit artikeli 4, imm. 3 atuuppat, nuussinermi kinaassutsimut uppersaammik paatsuugassaannngitsumik, aningaasanik nuussineq ilaqartinneqartassasoq, artikeli 5-imi, imm. 1-ip aalajangerpaa.

Artikeli 5, imm. 1-imik unioqutitsinermut akisussaasuusut taassaapput nuussinermi akiliutit ingerlaarfiinut akuusut, akiliinermut kiffartuussissutinik tuniniaasut tamarmik, aammalu iliuseq pillaatissiissutigineqarsinnaasoq pissaaq, akiliisussap aamma akiliiffigineqartussap akiliinermut kontonormua, imaluunniit artikeli 4, imm. 3 atuuppat, nuussinermi kinaassutsimut uppersaataa paatsuugassaannngitsoq minnerpaamik ilanngunneqarsimannngippata.

Akiliiffigineqartussap akiliinermut kiffartuussissutinik tuniniaasuaniit imaluunniit akunnermiliuttut akiliinernik ingerlatitseqqiisartumiit paasissutissat pillugit noqqaassuteqarnermik tigusaqarnerup kingorna, ullut suliffiusut pingajuat nalliutsinnagu imm. 1 apeqqutaatinnagu, akiliisussap akiliinermut kiffartuussissutinik tuniniaasuata, artikeli 4 naapertorlugu, nuussinertut ataasiakkaat imaluunniit ataatsimoorpasissutut arlalinngorlugit nuussinertut naammassineqarsimanerat apeqqutaatinnagu, aningaasanik 1.000 EUR-nik annertunerusunik nuussinermi, akiliisussaq imaluunniit akiliiffigineqartussaq pillugu paasissutissat pissarsiarineqarsinnaasunnngortissagai artikeli 5-imi, imm. 2-p aalajangerpaa.

Aningaasanik nuussinernut allanut atassuteqarparinnngitsunik katillugit nuussineq pineqartoq ilanngullugu 1.000 EUR-nik qaangiisunik aningaasanik, 1.000 EUR-nik annikinnerusunik nuussinermi, minnerpaamik akiliisussap aqqa, akiliiffigineqartussap aqqa aamma akiliiffigineqartussap akiliinermut kontonormua imaluunniit artikeli 4, imm. 3 atuuppat, nuussinermi kinaassutsimut uppersaataa paatsuugassaannngitsoq ilisimatitsissutigineqassapput. Taamaalilluni nalilersorneqassaaq nuussinerit ataasiakkaat imminnut atassuteqarnerisut, aalajangersakkamik saneqqussinnnginnissaq isumannaarniarlugu.

MISSINGIUT

Artikeli 5, imm. 2-mik unioqquitsinermut akisussaasuusoq taassaavoq akiliisup akiliinermut kiffartuussissutinik tuniniaasua, aammalu iliuseq pillaatissiissutigineqarsinnaasoq tassaavoq, akiliisup akiliinermut kiffartuussissutinik tuniniaasuata ullut suliffiusut pingasut iluini paasissutissanik pissarsiassanngortitsisimanginnera.

Akiliisussap akiliinermut kiffartuussissutinik tuniniaasua aningaasanik nuussassanik aningaasannorlugit imaluunniit elektroniskimik aningaasanik kinaassutsimik nalunaarutitaqanngitsunik tigusaqarsimangippat imaluunniit pinerlunnikkut aningaasarsianik malunnarunnaarsaanermik imaluunniit peqqarniisaarniarnernut aningaasalersuineramik naleqquttumik tunngavilimmik pasinartoqanngippat, imm. 2, litra b malillugu nuussinermi, artikeli 4, imm. 4 apeqqutaatinnagu, akiliisussap akiliinermut kiffartuussissutinik tuniniaasua, akiliisoq pillugu paasissutissanik misissuinissamut pisussaataaangitsoq artikeli 5-imi, imm. 3-p aalajangerpaa.

Artikeli 5, imm. 3-mik unioqquitsinermut akisussaaffik, akiliisussap akiliinermut kiffartuussissutinik tuniniaasuaniippoq, iliuseqarnerlu pillaatissiissutaasartoq pisarpoq, akiliisussaq pillugu paasissutissat misissorneqarsimangikkaangata.

Aningaasanik nuussisarnermut aalajangersakkat 3.-anni artikeli 6

Artikeli 4, imm. 1-imi, 2-mi aamma 3-mi allassimasunik, paasissutissanik batchfili imaqarpat, artikeli 4, imm. 4 aamma 5-mi naapertorlugit paasissutissat misissorneqareersimappata, aamma nuussinermi ataasiakkaat akiliisup kontonormuanik imaluunniit artikeli 4, imm. 3 atuuppat, nuussinermut kinaassutsimut uppersaammik paatsuugassaangitsumik imaqarpata, akiliisumiit ataatsimiit batchfilimik nuussinermi, tamatumani akiliiffigineqartussap akiliinermut kiffartuussissutinik tuniniaasua EU-p avataani inissisimaffeqarluni, matumani katersorneqarsimasunut, nuussinernut ataasiakkaanut artikeli 4, imm. 1 atuutinnitsoq artikeli 6-imi, imm. 1-ip aalajangerpaa.

Artikeli 6, imm. 1-imik unioqquitsinermut pisuussut akiliisumiippoq, iliuserlu pillaatissiissutaasartoq tassaavoq, artikeli 4, imm. 1-imi, 2-mi aamma 3-mi niuernerit pillugit paasissutissat batchfilimi amigaataaneri, aamma artikeli 4, imm. 4 aamma 5-imi naapertorlugit paasissutissat misissorneqareersimallutik, aamma nuussinermi ataasiakkaat akiliisup akiliinermut kontonormuanik imaqarpata imaluunniit, artikeli 4, imm. 3 atuuppat, nuussinermut kinaassutsimut uppersaammik paatsuugassaangitsumik imaqarpata.

Artikeli 6, imm. 2-p aalajangerpaa, akiliutinik tiguisup akiliinermut kiffartuussissutinik tuniniaasua Unionip avataani inissisimaffeqarpat, aningaasanik nuussinernut allanut atassuteqarpassinngitsunik aningaasanik 1.000 EUR-nik amerlanerunngitsunik nuussinermik pineqartumik ilaqartillugit 1.000

MISSINGIUT

EUR-nik amerlanerusunik nuussinermi, akiliisup aamma akiliutinik tiguisup atinut aamma akiliisup aamma akiliutinik tiguisup akiliinermut kontonormuanut paasissutissat minnerpaamik ilanngullugit nassiunneqassasut. Artikeli 4, imm. 3 atuuppat, kinaassutsimut uppernarsaat paatsuugassaanngitsoq ilanngullugu nassiunneqassaaq.

Akiliisup akiliinermut kiffartuussissutinik tuniniaasua, aningaasat nuunneqartussat tiguisimannikkunigit aningaasanngorlugit imaluunniit elektroniskimik aningaasanik kinaassutsimik nalunaarutitaqanngitsunik tigusaqarsimanngippat imaluunniit pinerlunnikkut aningaasarsianik malunnarunnaarsaanermik imaluunniit peqqarniisaarnianik aningaasalersuinerimik naleqquttumik tunngavilimmik pasitsaassaqqanngikkuni, artikeli 4, imm. 4 apeqqutaatinnagu, akiliisup akiliinermut kiffartuussissutinik tuniniaasua, immikkoortumi matumani allaaserineqartut, akiliisooq pillugu paasissutissat, nakkutigissallugit pisussaataaangilaq.

Artikeli 6, imm. 2-mik unioqqutitsinermut akisussaasuusooq, tassaavoq akiliisup akiliinermut kiffartuussissutinik tuniniaasua, iliuuserlu pillaatissiissutaasartooq pisarpoq, paasissutissat ilanngullugit nassiunneqartut amigaateqaraangata, kiisalu misissuisimannginermi.

Aningaasanik nuussisarnermut aalajangersakkat 3.-anni artikeli 7

Aningaasanik nuussinermut atorineqartartut, nalunaaruteqarfissatut imaluunniit akiliiffissatut aamma ingerlatsiffissatut systemimi, akiliisooq aamma akiliutinik tiguisooq pillugit paasissutissat pillugit immersugassat, naqinnernik imaluunniit paasissutissanik immersorneqarsimanersut paasiniarlugu, artikeli 7, imm. 1 naapertorlugu, akiliutinik tiguisup akiliinermut kiffartuussissutinik tuniniaasua, aaqqissuussami pineqartumi isumaqatigiissusiat naapertorlugit, suleriaatsinik sunniuteqarluartunik atuutilersitsissaaq.

Artikeli 7, imm. 1-imik unioqqutitsinermut akisussaaffik, akiliutinik tiguisup akiliinermut kiffartuussissutinik tuniniaasuaniippoq, iliuuserlu pillaatissiissutaasartooq pisarpoq, suleriaatsinik sunniuteqarluartunik atuutilersitsinnginnermi.

Akiliisussap akiliinermik ingerlatitseqqisartua EU-p iluani pilersinneqarsimappat, artikeli 5-imi atuuttut imaluunniit akiliisussap akiliinermut kiffartuussissutinik tuniniaasua EU-p avataani pilersinneqarsimappat, artikeli 4, imm. 1 aamma 2 atuuttut piumasaqaatit naapertorlugit, akiliisooq imaluunniit akiliutinik tiguisooq pillugit paasissutissanik amigaateqarnerooq paasiniarlugu, artikeli 7, imm. 2 naapertorlugu, akiliutinik tiguisooq sunniuteqarluartunik atuutilersitsissaaq, tassunga ilagitillugu, tamanna attuumassuteqartillugu, nuussinerup kingorna imaluunniit nalaani nakkutilliineq.

MISSINGIUT

Artikeli 7, imm. 2-mik unioqutitsinermut akisussaaffik, akiliutininik tiguisup akiliinermut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, suleriaatsinik sunniuteqarluartunik atuutilersitsisoqanngikkaangat, tassunga ilagitillugu nakkutillineq.

Aningaasanik 1.000 EUR-nik annertunerusunik nuussinermi, nuussineq ataasiakkaatut ingerlanneqarsimanersoq imaluunniit imminnut ataqatigiissutut nuussinernerusunimersoq apequtaatinnagu, akiliutininik tiguisup akiliinermut kontoa nuussiffigineqartinnagu imaluunniit aningaasat akiliiffigineqartumut atorneqarsinnaalersinnagit, qarasaasiami paasissutissat imaluunniit tutsuiginartumiit aamma arlaannaannulluunniit attuumassuteqanngitsumiit paasissutissat tunngavigalugit akiliutininik tiguisoq pillugu paasissutissat, artikeli matumani imm. 2-mi allassimasut eqqortuunersut akiliutininik tiguisup akiliinermut kiffartuussissutinik tuniniaasuata misissussagai artikeli 7-imi, imm. 3-p aalajangerpaa.

Artikeli 7, imm. 3-mik unioqutitsinermut akisussaaffik, akiliutininik tiguisup akiliinermut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, paasissutissanik artikeli 7, imm. 2-mi taaneqartunik misissuisoqarsimanngikkaangat.

Aningaasanik nuussinernut allanut atassuteqarpasinningsunik, pineqartumut nuussinermut ilaatillugu 1.000 EUR-nik qaangiisumik aningaasanik 1.000 EUR-nik annikinnerusunik nuussinermi, akiliutininik tiguisup akiliinermut kiffartuussissutinik tuniniaasuata aningaasanngorlugit akilinngippagit imaluunniit elektroniskimik aningaasanik kinaassutsimut nalunaarsuutitaqanngitsumik akiliinngippat imaluunniit pinerlunnikkut aningaasarsianik malunnarunnaarsaanermik imaluunniit peqqarniisaarniarnernut aningaasalersuinerimik naleqquttumik tunngavilimmik pasitsaassaqaanngikkuni, akiliutininik tiguisoq pillugu paasissutissat eqqortuunerinik nakkutilliinissamat akiliutininik tiguisup akiliinermut kiffartuussissutinik tuniniaasua pisussaanngitsoq artikeli 7-imi, imm. 4-p aalajangerpaa.

Artikeli 7, imm. 4-mik unioqutitsinermut akisussaaffik, akiliutininik tiguisup akiliinermut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, akiliutininik tiguisoq pillugu paasissutissanik nakkutilliisoqanngippat, aningaasanngorlugit akiliisoqaraangat imaluunniit pinerlunnikkut aningaasarsianik malunnarunnaarsaasoqarneranik imaluunniit peqqarniisaarniarnernut aningaasalersuisoqarneranik tunngavissaqartumik pasitsaassisoqarpat.

Akiliisup kinaassusaa misissorneqareersimaleraangat, artikeli 7, imm. 3-mi aamma 4-mi allaaserineqartoq nakkutillineq pisimasutut isigineqartartoq artikeli 7-imi, imm. 5-p aalajangerpaa.

Aningaasanik nuussisarnermut aalajangersakkat 3.-anni artikeli 8

MISSINGIUT

Artikeli 8, imm. 1 naapertorlugu, akiliisoq aamma akiliutininik tiguisoq pillugit paasissutissat tamakkiisunik piunasaqaataasunik amigaatilik aningaasanik nuussineq, piviusunngortinneqassanersoq, itigartinneqassanersoq imaluunniit tunuartikkallarneqassanersoq aalajangerniarlugu, aammalu siunertamut naapertuuttunik malitsigititsinissanik sillimmartaarutininik aalajangersaanissamut, akiliutininik tiguisup akiliinermut kiffartuussissutininik tuniniaasua, suleriaatsininik sunniuteqarluartuninik aarlerinaatinut tunngavilersukkanik, ilaatillugu pinerlunnikkut aningaasarsianik malunnarunnaarsaasarnermut malittarisassiat sisamaanni artikeli 13 naapertorlugu aarlerinaatinut tunngavilersuutininik aamma suleriaatsininik aalajangersaallunilu atuutilersitsissaaq.

Aningaasanik nuussinermik tigusaqarnermi, akiliutininik tiguisup akiliinermut kiffartuussissutininik tuniniaasuata, artikeli 4, imm. 1 imaluunniit 2, artikeli 5, imm. 1, imaluunniit artikeli 6 naapertorlugit, akiliisussaq imaluunniit akiliiffigineqartussaq pillugit paasissutissat piunasaqaataasut, artikeli 7, imm. 1 naapertorlugu, pineqartut nalunaaruteqartarnermut imaluunniit akiliinermut aamma ingerlatsinermut aaqqissuussamut isumaqatigiissusiat malillugit atorneqarsinnaasut, amigaataasut imaluunniit tamakkiisuunngitsut imaluunniit naqinnernik imaluunniit paasissutissanik immersorneqarsimangitsut, ilisimaleruniuk, akiliutininik tiguisup akiliinermut kiffartuussissutininik tuniniaasuata, akiliutininik tiguisup akiliinermut kontoa ikisiffigineqartinnagu, imaluunniit aningaasat akiliiffigineqartumut atorneqarsinnaalersinnagit, aarlerinaatininik aallaaveqarnermik tunngavilimmik, nuussineq itigartissagaa imaluunniit akiliisoq aamma akiliutininik tiguisoq pillugit paasissutissat piunasaqaataasut piunasaqaatigissagai, aammattaaq artikeli 8, imm. 1-imi aalajangersarneqarpoq.

Artikeli 8, imm. 1-imi unioqutitsinermut akisussaaffik, akiliutininik tiguisup akiliinermut kiffartuussissutininik tuniniaasuaniippoq, iliuuserlu pillaatissiissutaasartoq pisarpoq, sunniuteqarluartuninik aarlerinaatininik aallaavilinnik suleriaatsininik aalajangersaasimanginnermi aamma atuutilersitsisinnanginnermi, kiisalu aningaasanik nuussinermik paasissutissatigut amigaateqartumik itigartitsisimanginnermi.

Akiliinermik kiffartuussissutininik tuniniaasooq uteqqiasumik akiliisoq imaluunniit akiliutininik tiguisoq pillugu paasissutissat piunasaqaataasut ilaannik tunniussinngitsoortarpat akiliutininik tiguisup akiliinermik kiffartuussissutininik tuniniaasua, aallaqqaataasumik mianersoqqussutininik aamma piffissaliussanik aalajangersaanernik ilaqarsinnaasunik aaqqiinernik aalajangersaassasoq, tamatumalu kingorna taassumangga akiliinermik kiffartuussissutininik tuniniaasup siunissami aningaasanik nuussinissaanut itigartitsisinnaasooq imaluunniit isummernikkut taassumingga niueqatigiinnermi attaveqatigiinnermik killiliisinnaasooq imaluunniit unitsitsisinnaasooq artikeli 8-mi, imm. 2-p aalajangerpaa.

Akiliinermut kiffartuussissutininik tuniniaasup, pinerlunnikkut aningaasarsianik malunnarunnaarsaasarnermik aamma peqqarniisaarniarnernut aningaasalersuisarnermik

MISSINGIUT

pitsaaliuineq pillugu aalajangersakkanik malinninneranik nakkutilliinermut akisussaasuusunut oqartussaqaqfinnut, akiliutinik tiguisup akiliinermut kiffartuussissutinik tuniniaasuata paasissutissanik nalunaarutiginninnginnerit aamma aaqqiinerit nalunaarutigissavai.

Artikeli 8, imm. 2-mik unioqutitsinermut akisussaaffik, akiliutinik tiguisup akiliinermut kiffartuussissutinik tuniniaasuaniippoq, iliuserlu pillaatissiissutaasartoq pisarpoq, aaqqiissuteqarsimannginnermi tamatumalu kingorna siunissami aningaasanik nuussinissanik itigartitsisimannginnermi, kiisalu aaqqiinerit pillugit nalunaaruteqarsimannginnermi aamma akiliisup akiliinermut kiffartuussissutinik tuniniaasuata oqartussaqaqfinnut attuumassutilinnut iliuseqarsimannginnerani.

Aningaasanik nuussisarnermut aalajangersakkat 3.-anni artikeli 10

Artikeli 10 naapertorlugu, aningaasanik nuussinermi ilanngullugit nassiunneqartut, akiliisoq aamma akiliutinik tiguisoq pillugit paasissutissat tiguneqartut tamarmik, nuussinermut tassunga ilagitillugit toqqorneqarnissaat, akunnermiliuttut akiliinermik ingerlatitseqqiisartut isumannaassavaat.

Artikeli 10-mik unioqutitsinermut akisussaaffik, akunnermiliuttut akiliinermik ingerlatitseqqiisartumiippoq, iliuserlu pillaatissiissutaasartoq pisarpoq, paasissutissat ilanngullugit nassiunneqartut, aningaasanik nuussinermi toqqorneqarnissaannik isumannaarisimannginnermi.

Aningaasanik nuussisarnermut aalajangersakkat 3.-anni artikeli 11

Aningaasanik nuussinermut atorneqartartut, nalunaaruteqarfissatut imaluunniit akiliiffissatut aamma ingerlatsiffissatut systemimi, akiliisoq aamma akiliutinik tiguisoq pillugit paasissutissat pillugit immersugassat, naqinnernik imaluunniit paasissutissanik immersorneqarsimanersut paasiniarlugu, artikeli 11, imm. 1 naapertorlugu, akunnermiliuttut akiliinermik ingerlatitseqqiisartuq, aaqqissuussami pineqartumi isumaqatigiissutit naapertorlugit, suleriaatsinik sunniuteqarluartunik atuutilersitsissaaq.

Artikeli 11, imm. 1-imik unioqutitsinermut akisussaaffik, akunnermiliuttut akiliinermik ingerlatitseqqiisartumiippoq, iliuserlu pillaatissiissutaasartoq pisarpoq suleriaatsinik sunniuteqarluartunik atuutilersitsimannginnermi.

Akiliisup aamma akiliutinik tiguisup akiliinermut kiffartuussissutinik tuniniaasuata EU-p iluani inissisimaffeqartillugu, akunnermiliuttut akiliinermik ingerlatitseqqiisartuq aningaasanik nuussinermi, akiliisoq imaluunniit akiliutinik tiguisoq pillugu, paasissutissat artikeli 5-imi allaatigineqartut amigaataanersut paasiniarlugu, suleriaatsinik sunniuteqarluartunik, tassunga

MISSINGIUT

ilagitillugit nuussinerit nalaanni imaluunniit kingorngini pisariaqarfiini nakkutilliinermik atuutilersitsissasoq artikeli 11-mi, imm. 2-p aalajangerpaa.

Akiliisup imaluunniit akiliutinik tiguisup akiliinermut kiffartuussissutinik tuniniaasui EU-p avataani inissisimaffeqartillugit, aningaasanik nuussineri, akiliisoq imaluunniit akiliutinik tiguisoq pillugu, artikeli 4, imm. 1-imi, 2-mi aamma 5-imi allaatigineqartut paasissutissat amigaataanersut paasiniarlugu akunnermiliuttut akiliinermik ingerlatitseqqisartoq suleriaatsinik sunniuteqarluartunik atuutilersitsissaaq, tassunga ilagitillugu nuussinerit nalaanni imaluunniit kingorngini pisariaqarfiini nakkutilliineq. Batchfilinik nuussinerni, tassaapput taakkua paasissutissat artikeli 4, imm. 1-imi aamma 2-mi allaatigineqartut, tassunga batchfilinik nuussineri tunngatillugu.

Artikeli 11, imm. 2-mik unioqutitsineri akisussaaffik, akunnermiliuttut akiliinermik ingerlatitseqqisartumiippoq, iliuserlu pillaatissiissutaasartoq pisarpoq, suleriaatsinik sunniuteqarluartunik atuutilersitsisimanninnermi kiisalu nakkutilliisimanninnermi.

Aningaasanik nuussisarnermut aalajangersakkat 3.-anni artikeli 12

Artikeli 12, imm. 1 malillugu, akunnermiliuttut akiliinermik ingerlatitseqqisartoq, akiliisoq aamma akiliutinik tiguisoq pillugit paasissutissat piumasaqaataasut amigaataaneranni, aningaasanik nuussineq naammassineqassanersoq, itigartinneqassanersoq imaluunniit unitsikkallarneqassanersoq aalajangerniarlugu, siunertamullu naapertuuttunik malitsigitatut aaqqiinernik aalajangersaanissamut, suleriaatsinik aarlerinaatinik aallaavilinnik sunniuteqarluartunik aalajangersaassaaq aamma atuutilersitsissaaq.

Aningaasanik nuussineri tiguisineri akunnermiliuttut akiliinermik ingerlatitseqqisartup, artikeli 7, imm. 1 naapertorlugu pineqartunut nalunaaruteqartarneri imaluunniit akiliinermut aamma ingerlatsineri systeminut isumaqatigiissusiat naapertorlugit artikeli 4, imm.1-imi imaluunniit 2-mi, artikeli 5, imm.1-imi, imaluunniit artikeli 6-imi allaatigineqartut paasissutissat amigaataasut imaluunniit naqinnernik imaluunniit paasissutissanik immersorneqarsimannigitsut, ilisimaleruniuk akiliinermut kiffartuussissutinik tuniniaasup nuussineq itigartissavaa, imaluunniit, aningaasanik nuussineq sioqqullugu imaluunniit kingorna aarlerinaatinik tunngaveqarneq aallaavigalugu, akiliisoq aamma akiliutinik tiguisoq pillugit paasissutissat piumasaqaataasut piumassavai.

Artikeli 12, imm. 1-imik unioqutitsineri akisussaaffik, akunnermiliuttut akiliinermik ingerlatitseqqisartumiippoq, iliuserlu pillaatissiissutaasartoq pisarpoq, aarlerinaatinik tunngavilinnik suleriaatsinik aalajangersaasimanninnermi aamma atuutilersitsisimanninnermi,

MISSINGIUT

imaluunniit amigaatilinnik paasissutissartalinnik aningaasanik nuussinernik itigartitsisimanginnermi.

Akiliinermut kiffartuussissutinik tuniniaasup uteqqiasumik akiliisoq aamma akiliutinik tiguisoq pillugit paasissutissanik piumasaqaataasunik tunniussineq ajorpat, aallaqqaammut mianersoqqussutinik nassiussinernik aammalu piffissarititanik aalajangersaanernik ilaqarsinnaasunik tamatumalu kingorna akiliinermut kiffartuussissutinik tuniniaasumiit siunissami aningaasanik nuussinernik itigartitsisarnissamik, imaluunniit akiliinermut kiffartuussissutinik tuniniaasumik taassuminnga niueqatiginnittarnernik killilersimaarinninnissamik imaluunniit unitsitsinissamik, akunnermiliuttut akiliinermik ingerlatitseqqiisartoq aaqqiinernik aalajangersaassasoq artikeli 12-imi, imm. 2-p aalajangerpaa.

Pinerlunnikkut aningaasarsianik malunnarunnaarsaasarnermik aamma peqqarniisaarnianik aningaasalersuineramik pitsaaliuineq pillugu aalajangersakkat malinneqarnissaannik nakkutilliinissamut akisussaasumut oqartussaasumut piginnaatitaasumut paasissutissanik aammalu sillimmartaarusianik tunniussinngittarneq, akunnermiliuttut akiliinermik ingerlatitseqqiisartup kalerriutigissavai.

Artikeli 12, imm. 2-mik unioqqutitsinermut akisussaaffik, akiliutinik tiguisup akiliinermut kiffartuussissutinik tuniniaasuanippoq, iliuuserlu pillaatissiissutaasartoq pisarpoq, aaqqiissuteqarsimanginnermi, imaluunniit oqartussaarfimmu piginnaatitaasumut aaqqiinerit pillugit nalunaaruteqarsimanginnermi.

Aningaasanik nuussisarnermut aalajangersakkat 3.-anni artikeli 14

Artikeli 14, imm. 1 malillugu, pigisanik nalilinnik kryptonik nuussinermi, pisisussap aqqa, pisisussap qarasaasiakkut pissarsiarineqarsinnaaffiata adressia, pisisussap pigisanut nalilinnut kryptonut kontonormua, pisisussap najugaa, tassunga ilagitillugit nunap aqqa, inuup normua (CPR) aamma pisisartutut normuata imaluunniit periarfissatut allatut pisisussap inuuiata aamma inunngorfiata sumiiffiua aamma pisisussap inatsisitigut kinaassutsimut uppernarsaataa atuuttoq ilanngullugit nassiunneqartarnissaat pisisuusup pigisanut nalilinnut kryptonut kiffartuussissutinik tuniniaasuata isumannaassavaa.

Taamaattoq, pisisussamiit ataatsimiit batchfilinik nuussinermi, matumani ataatsimoortinneqartunut nuussinernut ataasiakkaanut, artikeli 14, imm. 1-imiit 3-mut allaatigineqartunik paasissutissanik batchfili imaqarpat, artikeli 14, imm. 6 aamma 7 naapertorlugit paasissutissat misissorneqareersimappata, aamma artikeli 14, imm. 2, naqinneq b atuuppat, nuussinerit ataasiakkaat pisisussap qarasaasiakkut pissarsiarineqarsinnaaffianik adressemik, artikeli 14, imm. 2, naqinneq c

MISSINGIUT

atuuppat, pisisussap pigisanut nalilinnut kryptonut kontonormuanik, imaluunniit, artikeli 14, imm. 3 atuuppat, nuussinermi kinaassutsimut uppersaataaniik paatsuugassaannngitsumik, imaqarpata, artikeli 14, imm. 1 atuutinngitsoq artikeli 15-imi aalajangersarneqarnera eqqaasariaqarpoq.

Artikeli 14, imm. 1-imi unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, pisisussaq pillugu paasissutissat ilanngullugit nassiunneqarnissaat qulakkeerneqanngippat.

Artikeli 14, imm. 2 naapertorlugu, pigisanik nalilinnik kryptonik nuussinermi, pisiffigineqartussap aqqa pillugu paasissutissat, pisiffigineqartussap qarasaasiakkut pissarsiarineqarsinnaaffiata adressia, pisiffigineqartussap pigisanut nalilinnut kontonormua aamma pisiffigineqartussap inatsisitigut kinaassutsimut uppersaataa atuuttoq ilanngullugit nassiunneqarnissaat, pisisussap pigisanut nalilinnut kryptonut kiffartuussissutinik tuniniaasuata isumannaassavaa.

Artikeli 14, imm. 2-mik unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, pisiffigineqartussaq pillugu paasissutissat ilanngullugit nassiunneqarnissaat isumannaarneqarsimannngippat.

Pisisussap pigisanut nalilinnut kryptonut kiffartuussissutinik tuniniaasuata, pigisanik nalilinnik kryptonik nuussinermi, DLT-mik imaluunniit teknologimik assingusumik atuiffiusumi netværkimi nalunaarsorneqanngitsut, aammalu pigisanut nalilinnut kryptonut kontomut imaluunniit kontomiit ingerlanneqanngitsut, nuussinermi kinaassutsimut uppersaammik paatsuugassaannngitsumik ilaqartillugit nassiunneqartarnissaat isumagisassagaa artikeli 14-imi, imm. 3-p aalajangerpaa.

Nuussinermi kinaassutsimut uppersaataa paatsuugassaannngitsoq imatut paasineqassaaq, pigisanik nalilinnik kryptonik nuussinermik, pisisussamut aamma pisiffigineqartussamut uterluni paasiniaanissamut periarfissiisut, pigisanut nalilinnut kryptonut kiffartuussissutinik tuniniaasumit aalajangersagaasut, akiliinermut aamma ingerlatsinermut systeminut imaluunniit nalunaaruteqartarnernut systeminut allattaaviit naapertorlugit akiliinermut kiffartuussissutinik tuniniaasumit aalajangersagaasut, naqinnernik, kisitsisinik imaluunniit ilisarnaatinik ataqatigiissakkat.

Artikeli 14, imm. 3-mik unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, pisisussap pigisanut nalilinnut kryptonut kiffartuussissutinik tuniniaasuata, nuussinermi kinaassutsimut uppersaammik paatsuugassaannngitsumik nuussinermi ilaqartinnissaa isumagisimannngippagu.

MISSINGIUT

Artikeli 14, imm. 4 malillugu, pisisussap pigisanut nalilinnut kryptonut kiffartuussissutinik tuniniaasuata, pigisanik nalilinnik kryptonik nuussinermut sioqqutsisumik, peqatigitillugit imaluunniit sanileriissitsisumik, aammalu inunnut paasissutissanik suliaqarnermut atatillugu inunnik illersuineq pillugu aamma paasissutissanik taamaattunik killeqanngitsumik avitseqatigiittarneq pillugu aammalu peqqussummik 95/46/EF-imik (datanik illersuineq pillugu aalajangersagaq nalinginnaasoq) atorunnaarsitsineq pillugu Europa-Parlamentip aamma Rådetip aalajangersagaat (EU) 2016/679, 27. april 2016-meersoq naapertorlugu, imm. 1-imi aamma 2-mi allaaserineqartut paasissutissat, nassiutissavai.

Artikeli 14, imm. 4-mik unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq tassaavoq, pigisanik nalilinnik kryptonik nuussinermi sioqqutsisumik, peqatigitillugit imaluunniit sanileriissitsisumik, imm. 1-imi aamma 2-mi paasissutissat allaatigineqartut ilanngullugit nassiussinnginneq.

Artikeli 14, imm. 5 malillugu pisisussap pigisanut nalilinnut kryptonut kiffartuussissutinik tuniniaasuata, imm. 1-imi aamma 2-mi allaatigineqartut paasissutissat, pissarsiarissavai aamma toqqussavai, pigisanut nalilinnut kryptonut nuussineq, ataasiakkaatut suussusersineqarsinnaanera isumannaarlugu. Pisisussap pigisanut nalilinnut kryptonut kiffartuussissutinik tuniniaasua, adressemut nammineq host-ikkamut 1 000 EUR-nik annertunerusunik aningaasanik nuussisoqartillugu aammattaaq, taanna adresseq pisisussamit pigineqarnera imaluunniit nakkutigineqarnera pillugu naliliinissamut naleqquttunik aaqqiinernik aalajangersaassaaq.

Artikeli 14, imm. 5-imik unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, imm. 1-imi aamma 2-mi allaatigineqartunik paasissutissanik, pissarsiornanilu toqqorsisimannnginneq, pigisanillu nalilinnik kryptonik nuussinernup ataasiakkaatut suussusersineqarsinnaaneranik isumannaarinissimannnginneq.

Artikeli 14, imm. 6 malillugu, pisisussap pigisanut nalilinnut kryptonut kiffartuussissutinik tuniniaasuata, pigisanik nalilinnik kryptonik nuussineq sioqqullugu, allakkiat, qarasaasiakkuut paasissutissat imaluunniit tutsuiginartumiit aamma arlaannaannulluunniit attuumassuteqanngitsumiit paasissutissat tunngavigalugit artikeli 14, imm. 1-imi allaatigineqartut paasissutissat eqqortuunersut misissoqqaassavai.

Artikeli 14, imm. 6-imik unioqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq tassaavoq, pisisussap pigisanut nalilinnut kryptonut kiffartuussissutinik tuniniaasuata, tusarfimmiit tutsuiginartumiit

MISSINGIUT

aamma arlaannaannulluunniit attuumassuteqanngitsumiit pissarsianik, paasissutissanik ilanngullugit nassiunneqartunik eqqortuunerinik misissuisimannginneq.

Aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, kapitali 3-mi allassimasutut, peqqussummi (EU) 2015/849-mi artikeli 40 naapertorlugu paasissutissat toqqortarineqarlutik, aammalu aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 30-mi allassimasutut, peqqussummi (EU) 2015/849-mi artikeli 13 naapertorlugu pisisussap kinaassusaa misissorneqareersimaleraangat, imm. 6-imi allaatigineqartoq nakkutilliineq/misissuineq naammassineqarsimasutut isigineqartoq artikeli 14-imi, imm. 7-ip aalajangerpaa.

Artikeli 14, imm. 7-istik unioqqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuanippoq, iliuuserlu pillaatissiissutaasartoq tassaavoq, tusarfimmiit tutsuiginartumiit aamma arlaannaannulluunniit attuumassuteqanngitsumiit pissarsiat, paasissutissat ilanngullugit nassiunneqartut eqqortuunerinik misissuisimannginneq.

Artikeli 14, imm. 8 malillugu, pisisussap pigisanut nalilinnut kryptonut kiffartuussissutinik tuniniaasuata nuussineq artikelimut matumunnga tamakkiisumik naapertuunna qulakkeerereertinnagu pigisanik nalilinnik kryptonik nuussinarluni noqqaassuteqarnissamik imaluunniit naammassinninnissamik akuerseqqusaanngilaq.

Artikeli 14, imm. 8-istik unioqqutitsinermut akisussaaffik, pisisussap pigisanut nalilinnut kryptonut kiffartuussissutinik tuniniaasuanippoq, iliuuserlu pillaatissiissutaasartoq pisarpoq, pigisanut nalilinnut kryptonut kiffartuussissutinik tuniniaasup artikeli 14-imut tamakkiisumik naapertuunna qulakkeerereertinnagu pigisanik nalilinnik kryptonik nuussinermik naammassinnissimanerani.

Aningaasanik nuussisarnermut aalajangersakkat 3.-anni artikeli 16

Artikeli 16, imm. 1 naapertorlugu pisisussaq aamma pisiffigineqartussaq pillugit artikeli 14, imm. 1-imi aamma 2-mi allaatigineqartut paasissutissat, nuussinermut imaluunniit batchfilimik nuussinermut ilaanersut imaluunniit malinnaatinneqarnersut paasiniarlugu, pisiffigineqartussap pigisanut nalilinnut kryptonut kiffartuussissutinik tuniniaasua, tassunga ilagitillugit nuussinermut nalaani imaluunniit kingorna nakkutilliinerup pisariaqarfiani suleriaatsinik sunniuteqarluartunik atuutilersitsissaaq.

Artikeli 16, imm. 1-istik unioqqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuanippoq, iliuuserlu pillaatissiissutaasartoq pisarpoq, suleriaatsinik sunniuteqarluartunik atuutilersitsisimannginnermi.

MISSINGIUT

Artikeli 16, imm. 2 naapertorlugu, pisiffigineqartussap pigisanut nalilinnut kryptonut kiffartuussissutinik tuniniaasua, artikeli 14, imm. 1-imi aamma 2-mi allaatigineqartunik paasissutissanik pissarsiniassaaq aamma toqqortaqassaaq, aammalu pigisanik nalilinnik kryptonik nuussinerup, ataasiakkaatut suussusersineqarsinnaanissaa qulakkiissallugu. Pisiffigineqartussap pigisanut nalilinnut kryptonut kiffartuussissutinik tuniniaasua adressimut nammineq host-ikkamut 1 000 EUR-nik annertunerusunik aningaasanik nuussisoqartillugu aammattaaq, taanna najugaq adresseq pisiffigineqartussamit pigineqarnera imaluunniit nakkutigineqarnera pillugit naliliinissamut naleqquttunik aaqqiinernik aalajangersaassaaq.

Artikeli 16, imm. 2-mik unioqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq pisarpoq, pisinermik tiguisup pigisanut nalilinnut kryptonut kiffartuussissutinik tuniniaasua artikeli 14, imm. 1-imi aamma 2-mi paasissutissanik pineqartunik, pissarsinianggippat aammalu toqqortaqanggippat, aammalu pigisanik nalilinnik kryptonik nuussinerup ataasiakkaatut suussusersineqarsinnaaneranik isumannaarinninngippat.

Artikeli 16, imm. 3 naapertorlugu pisiffigineqartussap pigisanut nalilinnut kryptonut kiffartuussissutinik neqerooruteqartartuanit pisiffigineqartussaq pillugu artikeli 14, imm. 2-mi allaatigineqartut paasissutissat eqqortuunersut, allakkiat, qarasaasiakku paasissutissat, imaluunniit tusarfimmiit tutsuiginartumiit aamma arlaannaannulluunniit attuumassuteqanngitsumiit pissarsiat paasissutissat tunngavigalugit misissorneqareersinnagit, pigisat nalillit kryptot, pisiffigineqartussamut atugassanngortinneqassanngillat.

Artikeli 16, imm. 3-mik unioqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuaniippoq, iliuuserlu pillaatissiissutaasartoq tassaavoq, pisiffigineqartussap pigisanut nalilinnut kryptonut kiffartuussissutinik tuniniaasuata tusarfimmiit tutsuiginartumiit aamma arlaannaannulluunniit attuumassuteqanngitsumiit pissarsiat tunngavigalugit paasissutissat, ilanngullugit nassiunneqartut eqqortuunerinik misissuisimannginneq.

Aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, kapitali 3-mi allassimasutut, peqqussummi (EU) 2015/849-mi artikeli 40 naapertorlugu paasissutissat toqqortarineqarlutik, aammalu aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 30-mi allassimasutut, peqqussummi (EU) 2015/849-mi artikeli 13 naapertorlugu pisisussap kinaassusaa misissorneqareersimaleraangat, imm. 6-imi allaatigineqartoq nakkutilliineq/misissuineq naammassineqarsimasutut isigineqartoq artikeli 16-imi, imm. 4-p aalajangerpaa.

MISSINGIUT

Artikeli 16, imm. 4-mik unioqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuaniiippoq, iliuuserlu pillaatissiissutaasartoq nakkutilliinngisimannermi pisarpoq.

Aningaasanik nuussisarnermut aalajangersakkat 3.-anni artikeli 17

Artikeli 17, imm. 1 malillugu pisiffigineqartussap pigisanut nalilinnut kryptonut kiffartuussissutinik tuniniaasua, pisisussaq aamma pisiffigineqartussaq pillugit paasissutissanik piumasaqaataasunik tamakkiisunik amigaateqartoq, pigisanik nalilinnik kryptonik nuussineq, naammassineqassanersoq, itigartinneqassanersoq, utertillugu nassiunneqassanersoq imaluunniit unitsikkallarneqassanersoq, paasiniarlugu aammalu siunertamut naapertuuttunik malitsigititanik aaqqiinernik aalajangersaanissamut, suleriaatsinik aarlerinaatinik aallaavilinnik sunniuteqarluartunik atuutilersitsissaaq.

Artikeli 17, imm. 1-imik unioqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuaniiippoq, iliuuserlu pillaatissiissutaasartoq pisarpoq suleriaatsinik atuutilersitsisimannginnermi aamma malinnissimannginnermi.

Pigisanut nalilinnut kryptonut kiffartuussissutinik tuniniaasup, uteqqiasumik pisisussaq imaluunniit pisiffigineqartussaq pillugu paasissutissat piumasaqaataasut saqqummiuttanngippagit, pigisanut nalilinnut kryptonut kiffartuussissutinik tuniniaasumik taassuminnga imaluunniit tassunga imaluunniit tassannga niueqatigiinnikkut attaveqatigiinnernik unitsitsinernik, killilersuinernik imaluunniit siunissami pigisanik nalilinnik kryptonik nuussinernik sunilluunniit toqqaannartumik itigartitsinernik qisuariartoqartinnagu, soorlu mianersoqqussutinik nassiussinernik imaluunniit piffissaliussanik aalajangersaanikkut aaqqiinernik, naleqquttunik pisiffigineqartussap pigisanut nalilinnut kryptonut kiffartuussissutinik tuniniaasua aalajangersaassasoq, artikeli 17-imi, imm. 2-p aalajangerpaa.

Akiliinermut kiffartuussissutinik tuniniaasooq, pinerlunnikkut aningaasarsianik malunnarunnaarsaasarnernik aamma peqqarniisaarnianik aningaasalersuinernik pitsaaliuineq pillugu aalajangersakkanik malinninnersoq, nakkutilliinermut akisussaasuusunut oqartussa qarfinnut, pisiffigineqartussap pigisanut nalilinnut kryptonut kiffartuussissutinik tuniniaasuata, paasissutissanik nalunaarutiginnissimannginneq aamma aaqqiinernit nalunaarutigissavai.

Artikeli 17, imm. 2-imik unioqutitsinermut akisussaaffik, pisiffigineqartussap pigisanut nalilinnut kryptonut kiffartuussissutinik tuniniaasuaniiippoq, iliuuserlu pillaatissiissutaasartoq pisarpoq, aaqqiissuteqarsimannginnermi tamatumalu kingorna siunissami pigisanik nalilinnik kryptonik

MISSINGIUT

nuussiussiniarnernik itigartitsisimannginnermi imaluunniit aaqqiinerit aalajangikkat pillugit nalunaaruteqarsimannginnermi.

Aningaasanik nuussisarnermut aalajangersakkat 3.-anni artikeli 18

Artikeli 18 naapertorlugu, pisiffigineqartussap pigisanut nalilinnut kryptonut kiffartuussissutininik tuniniaasuata, pigisanik nalilinnik kryptonik nuussineq imaluunniit tamatumunnga attuumassutillit nuussinerit pasinapilunnersut, pisisussaq imaluunniit pisiffigineqartussaq pillugu paasissutissat amigaateqarnerisut imaluunniit tamakkiisuunnginnerisut, naatsorsuutaqaataasussatut, aammalu aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, allassimasutut aningaasarsianik malunnarunnaarsaasarnermut malittarisassiaq naapertorlugu, Hvidvasksekretariatetimit nalunaarutigineqassanersoq nalilersussavaa.

Artikeli 18-mik unioqquitsinermut akisussaaffik, pisiffigineqartussap pigisanut nalilinnut kryptonut kiffartuussissutininik tuniniaasuaniippoq, iliuuserlu pillaatissiissutaasartoq pisarpoq, aaqqiissuteqarsimannginnermi, tassani pigisanik nalilinnik kryptonik nuussineq imaluunniit tamatumunnga attuumassutillit nuussinerit pasinapilussinnaaneri pillugit nalilersuinnermi, pisisussaq imaluunniit pisiffigineqartussaq pillugit paasissutissat amigaataasut imaluunniit tamakkiisuunngitsut ilaatinngikkaanni, tassunga ilagitillugu aningaasarsianik malunnarunnaarsaasarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi allassimasoq, aningaasarsianik malunnarunnaarsaasarnermut peqqussut naapertorlugu Hvidvasksekretariatetimit nalunaarutiginnissaq.

Aningaasanik nuussisarnermut aalajangersakkat 3.-anni artikeli 19

Artikeli 19 naapertorlugu, pigisanik nalilinnik kryptonik nuussinermut ilanngullugit nassiunneqartut, pisisussaq aamma pisiffigineqartussaq pillugit paasissutissat tiguneqartut tamarmik nuussinermut ilaatinneqarnissaat aammalu paasissutissanik taamaattunik nalunaarsuinerup toqqorneqarnissaa aammalu noqqaassuteqartoqarneratigut oqartussa qarfinnut piginnaatitaasunut atoriaannangortinneqarnissaat, pigisanut nalilinnut kryptonut kiffartuussissutininik akunnermiliuttutut tuniniaasup isumannaassavaa.

Artikeli 19-imik unioqquitsinermut akisussaaffik, pigisanut nalilinnut kryptonut kiffartuussissutininik akunnermiliuttutut tuniniaasuaniippoq, iliuuserlu pillaatissiissutaasartoq pisarpoq, pigisanik nalilinnik kryptonik nuussinermut ilanngullugit nassiunneqartut, pisisussaq aamma pisiffigineqartussaq pillugit paasissutissat tiguneqartut tamarmik nuussinermut ilaatinneqarnissaat aammalu paasissutissanik taamaattunik nalunaarsuinerup, toqqorneqarnissaa aammalu

MISSINGIUT

noqqaassuteqartoqarneratigut oqartussaasunut piginnaatitaasunut atoriaannangortinneqarnissaat, akunnermiliuttutut tuniniaasumit isumannaarneqanngippat.

Aningaasanik nuussisarnermut aalajangersakkat 3.-anni artikeli 20

Artikeli 20 naapertorlugu, pigisanut nalilinnut kryptonut kiffartuussissutinik akunnermiliuttutut tuniniaasoq, tassunga ilagitillugu nuussinerup nalaani imaluunniit kingorna alapernaarsuinerup pisariaqarfiani, artikeli 14, imm. 1, naqinneq a - c, aamma artikeli 14, imm. 2, naqinneq a – c-mi allaatigineqartut, pisisussaq imaluunniit pisiffigineqartussaq pillugu paasissutissat, tassunga ilagitillugu nuussineq adressemut nammineq host-ikkamut imaluunniit tassanngaanniit ingerlanneqarsimappat, nuussinermut imaluunniit pigisanik nalilinnik kryptonik batchfilimik nuussinermut sioqqutsisumik, peqatigitillugit imaluunniit sanileritillugit nassiunneqarsimanersut paasiniarlugu suleriaatsinik sunniuteqarluartunik atuutilersitsissaaq.

Artikeli 20-mik unioqutitsinermut akisussaaffik, pigisanut nalilinnut kryptonut kiffartuussissutinik akunnermiliuttutut tuniniaasumiippoq, iliuuserlu pillaatissiissutaasartoq pisarpoq, nuussineq adressemut nammineq host-ikkamut imaluunniit tassanngaanniit ingerlanneqarsimappat, tassunga ilagitillugu nuussinerup nalaani imaluunniit kingorna alapernaarsuinerup pisariaqarfiani, artikeli 14, imm. 1, naqinneq a - c, aamma artikeli 14, imm. 2, naqinneq a – c-mi allaatigineqartut, pisisussaq imaluunniit pisiffigineqartussaq pillugu paasissutissat nuussinermut imaluunniit pigisanut nalilinnut kryptonut batchfilimik nuussinermut sioqqutsisumik, peqatigitillugit imaluunniit sanileritillugit nassiunneqarsimanersut paasiniarlugu sunniuteqarluartunik suleriaaseqanngippat.

Aningaasanik nuussisarnermut aalajangersakkat 3.-anni artikeli 21

Artikeli 20, imm. 1 naapertorlugu, pigisanut nalilinnut kryptonut kiffartuussissutinik akunnermiliuttutut tuniniaasoq, pisisussaq aamma pisiffigineqartussaq pillugit paasissutissat piumasagaataasut amigaateqarnersut paasineqarnissaannut, pigisanik nalilinnik kryptonik nuussineq ingerlanneqassanersoq, itigartinneqassanersoq, utertillugu nassiunneqassanersoq imaluunniit unitsikkallarneqassanersoq, aammalu siunertamut naapertuuttunik malitsigititanik aaqqiinissaq pillugu naapertuuttunik aalajangiiniarnermut suleriaatsinik aarlerinaatinik aallaavilinnik sunniuteqarluartunik pilersitsissaaq.

Artikeli 21, imm. 1-imik unioqutitsinermut akisussaaffik, pigisanut nalilinnut kryptonut kiffartuussissutinik akunnermiliuttutut tuniniaasumiippoq, iliuuserlu pillaatissiissutaasartoq tassaavoq suleriaatsinik atuutilersitsisimannginneq aamma malinnissimannginneq.

MISSINGIUT

Pigisanut nalilinnut kryptonut kiffartuussissutinik tuniniaasup, uteqqiasumik pisisussaq imaluunniit pisiffigineqartussaq pillugu paasissutissat piomasaaqaataasut saqqummiuttanngippagit, pigisanik nalilinnik kryptonik kiffartuussissutinik tuniniaasumik taassuminnga imaluunniit tassunga imaluunniit tassannga niueqatigiinnikkut attaveqatigiinnermik unitsitsinermik, killilersuinermik imaluunniit siunissami pigisanik nalilinnik kryptonik nuussinernik sunilluunniit toqqaannartumik itigartitsinermik qisuariartoqartinnagu, soorlu mianersoqqussutinik nassiussinernik imaluunniit piffissaliussanik aalajangersaanikkut aaqqiinernik naleqquttunik pigisanut nalilinnut kryptonut kiffartuussissutinik akunnermiliuttut tuniniaasoq aalajangersaassasoq artikeli 21-mi, imm. 2-p aalajangerpaa.

Akiliinermut kiffartuussissutinik tuniniaasup ilaatitsinnginneq taanna aammalu aaqqiinert aalajangiunneqartut, oqartussaqaarfimmut aningaasarsianik malunnarunnaarsaasarnermik pitsaaliuineq aamma peqqarniisaarnianernut aningaasalersuisarnerup akiorneqarnera pillugit aalajangersakkanik malinninneranik nakkutilliinermut akisussaasuusumut nalunaarutigissavai.

Artikeli 21, imm. 2-mik unioqutitsinermut akisussaaffik, pigisanut nalilinnut kryptonut kiffartuussissutinik akunnermiliuttut tuniniaasumiippoq, iliuserlu pillaatissiissutaasartoq pisarpoq, aaqqiissuteqarsimannginnermi aamma siunissami pigisanik nalilinnik kryptonik nuussiniarnernik itigartitsisimannginnermi imaluunniit aaqqiissutaasut pillugit nalunaaruteqarsimannginnermi.

Aningaasanik nuussisarnermut aalajangersakkat 3.-anni artikeli 22

Artikeli 22 naapertorlugu, pigisanut nalilinnut kryptonut kiffartuussissutinik akunnermiliuttut tuniniaasup, pisisussaq imaluunniit pisiffigineqartussaq pillugu paasissutissat amigaatillit imaluunniit tamakkiisuunngitsut, pigisanik nalilinnik kryptonik nuussinerup imaluunniit tamatumunnga attuumassutillit nuussinerit pasinapilussinnaaneri pillugit, aammalu nuussinerup Hvidvasksekretariatetimit nalunaarutigineqarnissaa pillugu, nalilersuinermi faktoritut ilaatissavai, aningaasarsianik malunnarunnaarsaasarneq pillugu peqqussut naapertorlugu aningaasarsianik malunnarunnaarsaasarneq pillugu inatsimmi taaneqartut, kungip peqqussutaatigut Kalaallit Nunaannut atuutilersinneqartumi.

Artikeli 22-mik unioqutitsinermut akisussaaffik, pigisanut nalilinnut kryptonut kiffartuussissutinik akunnermiliuttut tuniniaasumiippoq, iliuserlu pillaatissiissutaasartoq pisarpoq, aaqqiissuteqarsimannginnermi, tassani pisisussaq imaluunniit pisiffigineqartussaq pillugu paasissutissat amigaatillit imaluunniit tamakkiisuunngitsut, pigisanik nalilinnik kryptonik nuussinerup imaluunniit tamatumunnga attuumassutillit nuussinerit pasinapilussinnaaneri pillugit, aammalu nuussinerup Hvidvasksekretariatetimit nalunaarutigineqarnissaa pillugu, nalilersuinermi

MISSINGIUT

faktoritut ilaatinneqaratik, tassunga ilagitillugu tamanna aningaasarsianik malunnarunnaarsaasarneq pillugu peqqussut naapertorlugu nalunaarutigineqassanersoq, aningaasarsianik malunnarunnaarsaasarneq pillugu inatsimmi taaneqartut, kunngip peqqussutaatigut Kalaallit Nunaannut atuutilersinneqartumi.

Aningaasanik nuussisarnermut aalajangersakkat 3.-anni artikeli 26

Artikeli 26, imm. 1 malillugu, akiliisoq aamma akiliutinik tiguisoq imaluunniit pisisoq aamma pisinermik tiguisoq pillugit paasissutissat pisariaqartitsinneqavissumit sivilisinerusumik toqqorneqassanngillat. Akiliisup aamma akiliutinik tiguisup akiliinermut kiffartuussissutinik tuniniaasuata paasissutissat artikeli 4-miit 7-mut taaneqartut pillugit, aamma pisisup aamma pisinermik tiguisup pigisanut nalilinnut kryptonut kiffartuussissutinik tuniniaasuata paasissutissat artikeli 14-miit 16-mut taaneqartut pillugit, nalunaarsukkat piffissami ukiunik tallimanik sivilisussusilimmi toqqussavai.

Artikeli 26, imm. 1-imik unioqqutitsinermut akisussaaffik, akiliisup aamma akiliutinik tiguisup pigisanut nalilinnut kryptonut kiffartuussissutinik tuniniaasuaniippoq imaluunniit pisisussap aamma pisiffigineqartussap pigisanut nalilinnut kryptonut kiffartuussissutinik tuniniaasuaniilluni, iliuuserlu pillaatissiissutaasartoq tassaavoq paasissutissanik toqqorsisimannginneq.

Toqqorsinermut piffissaliussap imm. 1-imi allaqqasup naanerani akiliinermut kiffartuussissutinik tuniniaasut aamma pigisanut nalilinnut kryptonut kiffartuussissutinik tuniniaasut, inunnut paasissutissat piarneqarnissaat isumannaassagaat, alla nunamut tamarmut inatsisini aalajangersagaanngippat, aalajangiisuusoq, akiliinermut kiffartuussissutinik tuniniaasut aamma pigisanut nalilinnut kryptonut kiffartuussissutinik tuniniaasut, paasissutissat sivilisinerusumik toqqorsinnaaneraat imaluunniit toqqussagaat, artikeli 26-mi, imm. 2-p aalajangerpaa.

Artikeli 26, imm. 2-mik unioqqutitsinermut akisussaaffik, akiliinermut kiffartuussissutinik tuniniaasumiippoq imaluunniit pigisanut nalilinnut kryptonut kiffartuussissutinik tuniniaasuaniilluni, iliuuserlu pillaatissiissutaasartoq tassaavoq inunnut paasissutissanik pianissamik isumannaarinnissimannginneq.

Siunnersuutigineqartoq imm. 2 malillugu, pillaasarneq pillugu inatsimmi kapitali 5-imi malittarisassat malillugit, inuit inatsisitigut pinsinnaatitaasut pisussaataasullu pillaatissiissummut akisussaatinneqarsinnaapput.

MISSINGIUT

Inunnik inatsisitigut pisinnaatitaasunik pisussaatitaasunillu pinerluttulerinermi akisussaatitsinnaaneq akissussaatitsisarnermut tunngaviit nalinginnaasut naapertorlugit aalajangiiffigineqartassaaq.

§ 4-mut

Inatsisip ulloq 30. december 2024-mi atuutilersinneqarnissaa *imm. 1*-imi siunnersuutigineqarpoq.

Aamma piffissami tassani aningaasanik nuussisarnermut aalajangersakkat 3.-at EU-p iluani atuutissaaq, tamannalu isumaqarpoq, Kalaallit Nunaat assingusunik malittarisassaqluni nangittumik nunatut pingajuusutut inissisimassasoq.

Imm. 2-mi siunnersuutigineqarpoq, aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsit atuuttoq atorunnaarsinneqassasoq.

Tamanna isumaqarpoq, aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsit nr. 326, 30. marts 2019-imeersoq, inatsisip matuma atuutilersinneqarneranut peqatigitillugu, atorunnaarsinneqassasoq.